




四十

正德三年至五年





國權

戊辰正德三年

正月癸卯武清伯朱潔卒子本嗣

丁未上南郊

涇陽天鼓鳴

辛亥大計外官同知以下如擬惟布按知府行太僕苑馬寺

鹽運司官六十人其實蹟以聞乃允之附批翰林學士吳儼

帷幙不修令致仕予告御史楊南金詐疾削籍餘乞假違限

鹽官談遷孺木著



十月皆如南金例逆瑾以儼富需之不應劉宇嘗捷南金遂引疾故皆得罪聞者異之

戊午刑部左侍郎王鑑之為南京右都御史

己未戶部右侍郎王瓊為吏部左侍郎瓊賂瑾越三推得之平涼地震聲如雷

庚申兵部上武舉條格明年夏四月開科初騎射次步射次

策論蓋議始

先帝迄今而備

逮山而布政司經歷李夢陽下獄逆瑾欲死之夢陽與翰林脩撰康海友善瑾重海之才不屈海救夢陽特為請得釋而

海竟坐是敗名

前南京工部尚書侯璫卒璫雄人景泰五年進士授戶部主事歷撫甘肅假赤斤蒙古之兵復哈密刺木八城進兵部右侍郎至今官致仕年八十一子觀進士亦尚書

癸亥翰林編脩豐熙為侍講

釋戶部左侍郎王儼獄仍致仕儼奉命暫理宣大糧芻非專職故輕宥

甲子巡撫雲南右副都御史吳文度為戶部右侍郎南京大理寺卿韓邦問為刑部左侍郎



丙寅前南京工部尚書胡拱辰卒拱辰淳安人正統己未進士令縣擢御史言事劾切進左叅政歷勦川貴兩廣叛夷好興利除害七旬懸車年九十二贈太子少傅謚莊懿戊辰湖廣左布政使顧源為右副都御史巡撫雲南初巡撫四川右僉都御史劉纓巡按御史楊璋及叅政吳彥華副使張貫叅議郭祥鵬議開巫山入夔之間道纓等俱去去任考華慨任之詔罷役御史王璟復以請責纓等違旨遠之纓奪俸六月祥鵬降金華同知璋免官

二己朔巡撫湖廣右僉都御史劉纓為南京大理寺卿

光祿寺丞趙松歸省踰限奪俸三月己有旨引疾踰歲勒免辛未兵科給事中王廷相宅憂不赴部領符謫亳州判官傳陞錦衣千戶張寰指揮僉事冠帶舍人王德馬釗姚文朱福百戶釗已任百戶時授其兄鈺誤作釗有旨改鈺鈺釗俱太監馬永成舍人也

壬申大名知府石祿加山東右叅政時行有司募納義官承吏輸工部二萬金餘故風示天下

癸酉河南左布政使張子麟為右副都御史巡撫湖廣

甲戌少傳戶部尚書武英殿大學士王鏊署詹事府事吏部



尚書兼翰林學士梁儲主禮闈

丙子刑部尚書屠勳致仕加太子太保給廩役

中旨尚衣監太監趙榮鎮守湖廣

戊寅南京國子祭酒章懋已疾去需召至是予致仕

吏部推台州知府等二十六人皆允之惟夔州改推二人且  
命中外五品上概陪推逆瑾紛更類此自後或用其副或連

用播弄莫測

四川道監察御史吳學稱疾逾限八月吏部擬致仕特削籍

辛巳南京右都御史王鑑之為刑部尚書出中旨蓋鑑之擠

屠勳不由部推也

賜外戚沈傳吳讓靜海閑田六千五百四十二頃有奇

大風霾

甲申戶部左侍郎王佐為南京戶部尚書

開浙江溫處銀礦令布政司別項歲輸二萬金

中旨神機營左哨并奮武營御用監太監吳軻調神機營把

總右掖三司御馬監太監張景昌代軻尚衣監太監杜青代

景昌

乙酉南京刑部員外郎劉演疾逾赴官勒致仕



前巡撫大同都御史周南督糧戶部郎中孫祿以儲腐下錦衣衛獄

丙戌工部右侍郎張泰為南京右都御史

戊子右僉都御史韓福為戶部左侍郎

故甘肅副總兵都指揮同知魯麟贈右府都督僉事特予祭

葬

曉刻月犯心宿夜月犯天江星

己丑大同大風晦三日平衛草場災

庚寅光祿寺丞趙松為少卿松因違限厚賂瑾

傳陞錦衣衛舍人谷大寬副千戶大洪大原勇士黃質俱百

戶

辛卯黃霧四塞隨雨土霾

壬辰南京工部右侍郎俞俊改工部右侍郎俊首賂劉瑾歲

三遷

禮闈放榜考官入朝焚至公堂延燬會錄板遺卷先是笑惑

守文昌禮部尚書劉機待罪宥之

癸巳提督騰黃通政司右通政張綸為右僉都御史

安南國王黎誼來貢



丙申南京右僉都御史張恕為南京工部右侍郎  
伊府儀賓龐進輔請採盧氏永寧宜陽嵩縣之礦戶部持不  
可上命監司同進輔覈之

前南京刑部主事陳言以弘治末察處致仕奏辨復官兵部  
員外郎董俊援言例奏辨仍罷言言屢懇杖三十戍邊

同原鞏昌階州地震

三朔戊朔傳陞勳衛張宗說為錦衣衛都指揮使

鞏昌階州地震有聲

庚子封祐櫛襄王祐樞崇王祐權徽王銓鉅孺世子譽榮岷

世子安襄上洛王台豪壽陽王誠激保安王秉榛汧陽王奇

法寧河王健樸安丘王當源鉅野王

中書舍人陰盈起復進士陳璋陳定之引疾俱違限盈謫晉

州判官璋定之勒致仕

辛丑予告南京右副都御史雍泰仍提督操江

壬寅武昌知府陳晦擢江西布政司左叅政

脩會稽孝女曹娥廟從巡按御史楊滋之請

乙巳楚府縉雲王榮淋薨謚懷僖

丙午前巡撫雲南右副都御史林元甫卒元甫莆田人成化



乙未進士授工科給事中教言事歷山東左叅政德王欲厚  
葬妃堅阻之居官三十餘年家無餘貲

丁未岷王考汰乞故雍王府徙其居不許

己酉太子太保南京戶部尚書周經服闋起禮部尚書

庚戌贈劉榮瑾父後府都督同知瑾本淡姓冒劉氏自稱賜  
姓

辛亥吳傑嗣清平伯琮庶子

諭吏部嚴斥貪吏旌廉能初鄒平人孫淮言貪吏雖罷黜以  
財請寄仍復官賄賂公行此大弊也乞遵高皇帝之法革  
故鼎新天下可理故有是命

壬子策貢士邵銳等三百四十九人於奉天殿賜呂柟景暘  
戴大賓等進士及第出身有差

歸安南使臣阮詮等之喪時卒於龍州

甲寅陝西行太僕寺丞陳璣為總兵曹雄訐奏下詔獄事白

結逆瑾改太僕寺丞

總督蘓松糧儲都御史羅鑒請符驗命覈符驗自成化七年

都御史滕昭始謂非例止之

冠帶舍人廖鵬奏過祥符擒盜授錦衣百戶濫賞冒功鵬之



惡始稔

乙卯太監劉瑾請歲遣科道覈各邊芻粟馬匹許之時工  
寓豹房瑾擅威柄朝事俱先稟決大臣唯、覈儲之命邊城  
震駭道路以目  
丙辰兵部左侍郎文貴兼左副都御史提督宣大延綏軍務  
時、牧塞下不退

戊午械致巡撫遼東都御史張鳳馬中錫鄧璋分守叅政冒  
政叅議方矩管糧郎中劉繹王蓋知州趙瑾章英於遠巡撫  
大同都御史周南管糧郎中孫祿於大同各追宿儲早仍赴

鎮撫司以聞

中旨分守宣府萬全都司御馬監太監宋彬調鎮甘肅守備  
黃花鎮都知監左監丞張鼎代彬御馬監左監丞范祺代鼎  
己未太僕少卿劉璣為太常寺卿提督四夷館劉瑾以卿故  
拔自外郎歲輒再遷

逮永平管糧戶部郎中劉乾及知縣郭議通判田泰指揮李  
英下鎮撫司以灤陽驛草塲火乾請別委觸瑾怒

壬戌增鄉試解額陝西三十五人河南<sup>山東</sup>十五人山西二十五  
人劉瑾焦芳之鄉諷兵科給事中趙鐸奏之又增四川十人



併入會試南卷餘入北卷南北各百五十人著為令

癸亥進士呂柟授翰林脩撰景暘戴大賓編脩二甲三甲首  
焦黃中胡縉宗俱檢討故事鼎甲即授官餘選庶常越三年  
學成二甲授編修三甲授檢討而焦芳欲魁其子黃中對策  
劣甚猶高等試錄刻黃中縉宗策時制大變

祀宋臣陳瓚陳文龍於興化從福建左叅政熊達大理評事  
徐元稔之請

行人劉瓚治鎮平王之喪入朝愆期謫桐鄉縣丞

故綏德衛署正千戶趙福殉子宗漢起署指揮僉事仍食

正千戶俸

甲子戶部左侍郎兼左副都御史韓福整理湖廣糧儲請開  
納從之

乙丑大雨雹

丙寅郭勛嗣武定侯郭良子

招撫肅州叛番且卜若等還居沙州

前景州判官張蘭下鎮撫獄蘭父瑋副都御史乞祭塋合例  
逆瑾矯旨責其瀆

四 己巳太僕寺少卿公勉仁謫

都轉運鹽司同知福建布



政司左叅政熊達請夔州知府監察御史李璽請鄧州判官  
俱勘罪不當也

朔州馬邑地震聲如雷

辛未涇州大雨雹溺民居救麥

甲戌<sup>初</sup>戶部請各邊年例銀有旨軍屯民運邊有成則復輸銀  
何也且開中引鹽悉欽漁費其議之於是議令鎮巡官覈士  
馬行開納事例罷年例銀

薛應旂曰逆豎猶知年例之為害邊墻之無益恐不可以  
人而廢言也

甘肅太監鄧玉等請開茶鹽濟餉不允

乙亥右副都御史曹鳳赴官綏勒致仕

開鬻武爵贖罪諸生入監度僧道例提督宣大侍郎文貴經

略邊關墩堡計費五十萬金故有此請又借太倉銀三十萬

周寺銀十萬俟後償銀未出京入瑾之門殆四之一矣貴迎

瑾意數古墩臺更築之內造箭憲砲眼以制實無裨於用

殺掠人畜無誰何者

昏刻月犯軒轅右角星

丙子賜大同總兵署都督僉事溫恭蟒衣一襲初勲臣出鎮



開賜蟒其後邊帥黃乞不勝其濫

丁丑南京國子司業羅欽順送親踰限削籍停司業不補

逮總制陝西右都御史楊一清布政司督糧右叅政李思明

安惟學以給事中安奎御史張或覈邊儲虧耗也

旌魯府鎮國將軍陽鉞妻周氏貞烈年二十一殉陽鉞特許

祔塋

戊寅太監韋霽覈餉兩廣括庫金輸京師蓋瑾欲搜遺利外

帑多誅

中旨都知監左監丞高崇守備永平太平寨青山營

己卯前太子太保吏部尚書王恕卒恕字宗貫三原人正統

戊辰進士館選授大理評事歷左寺副跡失刑六事出守揚

州濟饑自江西河南左右布政轉撫南陽諸郡深民平襄陽

盜以左副都御史撫河南遷南京刑部左侍郎起服改刑部

又南京戶部改撫雲南鎮閩錢能不法沒其下金寶疏二十

上聲震天下進右都御史改南京又南京兵部尚書改撫江

南拯蘓松之灾劾中官王敬千戶王臣復兵部南京以直免

孝廟首召進吏部諫傳陞止內批遇事輒論不合則去方

嚴偉特樹望四十年完名終始篤老好學年九十三贈太師



謚端毅子承裕戶部尚書

袁宏曰端毅公以忠誠受知 憲廟所論奏皆譏切貴近  
無復諱避悉見優納及秉鑑衡柳 獎恬斥幽陟明授薦  
群賢布列 事弘治初明良一德朝野清宴唐之貞觀宋  
之慶曆不足多也求之於古真希文君實之倫與  
王世貞曰大臣吾以端毅為巨擘焉次則劉忠宣攸、為  
國知無不言者王端毅也攸、為國知無不為者劉忠宣  
也雖然吾不難二公難時之容二公者也  
馮時可曰王公以直著人方魏玄成然於 憲廟皆真稱

批鱗於 考廟直順風呼耳魚水方契駭波潛發故知始

終遇合其難哉以公岳、侃、死生進退無介於意而猶

再一傳自表名根之難去如此孔子曰君子疾沒世而名

不稱豈其為是然公據尊踐嚴萬里几席龍潤九野鶴鳴

九臯孰不瞻聽而欲效幽貞隱士期附青雲加丹雘以施

後世豈其未見夫焚書削草鍾山之瑕明月之類胡能掩

也彼甘為壬人以齟君子又何責

何喬遠曰王公立朝身繫安危治亂者五十年退以耆宿

高天下者又幾二十年王公沒名在士大夫間不衰以擬



韓范兩司馬然在當時猶有漁色之譏用是知士行之難也  
張志淳曰眉州萬安濟南尹旻三原王恕皆舉戊辰進士  
官一品其存心律已為國憂民驗之於弘治以來萬象特  
甚尹次之王益盛天之報施隨人善惡而應未嘗少爽為  
大臣者於此觀之亦可猛省矣

庚辰南京吏科給事中陳伯獻守制踰限削籍

給總督浙江備倭錦衣衛都指揮僉事魏文禮符幟兵科都  
給事中趙鐸等言其非制不聽

辛巳巡按陝西監察御史張或清寧夏屯地增四千四百餘  
頃遷戶部主事治屯

壬午應天府尹沈銳為南京刑部右侍郎

甲申南京右副都御史戈瑄改北院

朱本嗣武進伯潔之子

夜月犯南斗杓第二星

乙酉隴西雨雹尺餘傷稼膏

丙戌吏科右給事中丘俊覈餉延綏引疾繳劾及勘之復求  
入朝勒致仕



丁亥曉刻月犯羅堰中星

己丑罰致仕署大理寺事工部尚書楊守隨粟十石輸邊初  
河南人賈斌同從兄凱謀殺從弟澤論死守隨駭其重巡按  
御史房瀛改擬杖中旨從初擬瑾怨守隨因中之併逮瀛奪  
俸五月少卿王鼎謫 知縣評事林富謫 縣丞魏納

附瑾遷通政司叅議置不問

昏刻火星犯右執法

庚寅脩貴溪上清宮自弘治八年燬正一嗣教真人張彥頌  
累請 先帝命侯寧益二王府脩訖至是并責府第悞工者

辛卯武舉安國等六十人宴中府

中旨御馬監太監谷大用提督勇士旗軍太監楊春同指揮

夏明等理勇士營太監李堂同都指揮田中等理四衛軍營

壬辰四川左布政使李善為南京右副都御史善以瑾鄉人  
再推得之

哈密使臣馮亦虎仙入貢不偕通事皮俊等自投邊牒於鴻  
臚事大通事王永請究其奸馮亦虎仙奏永凌索禮部言宜  
懷輯毋生其心特永供奉豹房特寵橫恣詔戒永而馮亦虎  
仙以奸夷結諸番啟釁至是入京



癸巳吏部推鳳翔同知翟敬為四川按察僉事切責其私敬故翰林檢討坐親藩累落職尋起官時凡落職謫戍者皆不得狗用

徙祭河湯王廟於湯原里距縣北七里前廟縣北四十里

陋太常寺卿喬宇議遷

守備龍門所知監右少監孟山請改銜分守從之

乙未增御藥庫房上屢伶官減賢特允之

旌慶府安化王真鐸母妃楊氏貞節故恭和王邃嬭薨楊絕

粒七日死真鐸以聞

丙申寧王宸濠乞追獎先德命諭祭其先王

丁酉前巡撫江西右副都御史張本卒本錢塘人成化乙未

進士授南京工部主事歷守襄陽青州吉安著能聲及撫江

西玩盜見劾名大損

五朔戎朔寧王宸濠求入謝禮部議不許

庚子刑部主事宋冕下獄謫金谿知縣時守衛官失其銅章

擬軍罪不及官忤瑾

壬寅下吏科給事中安奎御史張或於錦衣獄以覈餉寧夏

糾慶陽同知趙楫及指揮丁廣等百三十餘人俱追拷并責



戶部尚書顧佐等尸位徇情令具奏  
乙巳金星晝見於申三日滅

庚戌伊王諤錡薨年五十四謚曰定

辛亥吏部左侍郎王瓊調南京瑾薄其謝也即中趙鶴已遷  
知府降高州同知員外郎李瓚已遷通政司叅議降饒州通  
判

蜀王賓瀚薨謚曰昭

壬子戶部右侍郎吳文度為左侍郎太常寺卿劉璣為戶部  
右侍郎

貴州赤水衛火

裁雲南寧州派官知州流官自弘治十六年始

乙卯秦州禮縣天鼓鳴如雷

進知州譚綬秦志雷爵通判謝汝賜晁必登為府同知知縣  
張元春等為知州故事守令缺補至是雙推請旨蓋雖細政  
瑾必預聞之而後可遂其漁獵也

丁巳巡撫陝西右副都御史柴昇為吏部右侍郎  
通政司右叅議任良弼封奏不謹謫建昌通判



復萬金都指揮僉事張澄有新獲功未及陞子輔例襲指揮使陞署都指揮僉事

甲子中旨御用監太監郭通鎮守金齒騰衝

平江伯陳能總兵提督漕運兼鎮守淮揚

昏刻土星犯靈臺上星

前巡撫寧夏右副都御史王珣卒珣曹人成化己丑進士令

太康信陽擢御史寬厚質朴無赫聲循資至開府亦不瘵

職也子崇仁崇文崇獻皆甲科崇獻亦都御史

乙丑兵部左侍郎文貴防宣府右侍郎曹元治舡通州議暫

增侍郎從之

丙寅太監劉瑾奏弘治十五年至正德三年各邊年例若干

遣科道分覈從之并覈折色鈔布鹽各項共五百十三萬四

千五百七十金有奇

六月朔朔山西左布政使胡瑞為右副都御史巡撫甘肅

戊辰監察御史陳玉刷卷舉劾各官瑾矯旨謂不別功罪謫

湖廣布政司照磨

己巳錦衣衛指揮余賓直點科道工科都給事中許天錫不

至詢之朔日自經理好羅織人不自保或曰瑾惡天錫核內



庫潛遣人殺之血流被面嘉靖實錄

監察

御史朱襄巡按雲南然洱海衛指揮章表等侵帑詔罪狀未明請嘉善縣丞

兵科都給事中潘希魯監察御史劉子屬覈餉貴州湖廣劾施州衛千戶蔣廷玉舒良臣等受賕亂法詔責希魯子屬條對未悉徵下鎮撫司逮湖廣巡撫右副都御史湯全督糧右叅議華福管屯副使金獻民劉遜都指揮僉事張埶及廷玉良臣俱逮入京時全致仕福獻民遷任即其家捕之益王祐禰乞歲自遣官祭生母德妃張氏於金山以非制書慰之

庚午兵部右侍郎曹元為左侍郎南京大理寺卿劉纓為右侍郎

故太保禮部尚書胡濙孫顯庵中書舍人

尚衣監太監秦文奏內庫所貯蟒龍斗牛飛魚麒麟獅子等服俱織於天順間且盡宜派造浙直遂命織紵絲紗羅萬七千四百餘匹蓋先朝賞服甚靳自劉瑾用事倖璫濫賞亡筭民力不堪矣

辛未監察御史閻潔為山東按察司提學副使潔乏文學以



中官奴壻又瑾鄉人試諸生檢故牘填名試童生擇長篇錄之於校閱矇如也

戶部郎中劉乾張諾主事時理餉紫荆關以虧腐繫郡獄償如其額

壬申何紹正師夔李鐸鄭裕盧綸李陽春王鑾張龍吳玉榮沈焯李淳許瀚于聰李憲王壙屈銓俞泰唐錦為給事中

癸酉起復太常少卿兼翰林侍讀靳貴

械給事中安奎監察御史張或垂死莫敢拯大學士李東陽言盛夏釋輕繫宜宥奎或全朝廷待士之體始獲釋削籍

甲戌順天府戶胡富為南京大理寺卿勒南京光祿寺卿張賓致仕賓年七十時陪推

太僕寺少卿劉聰督理京營及宣府居庸塞雲古北口永平山海等馬政

戊寅刑部左侍郎韓邦問滿六年考進尚書致仕

雲南左布政使熊祿為南京光祿寺卿

故都督同知李文仍贈高陽伯文以舍人立戰功至右都督封伯後失事降都督僉事進同知孫珣訟其功求爵謚部議贈爵餘已之



庚辰李旻嗣豐城侯李璽庶長兄

南京刑部右侍郎劉憲卒於獄憲字廷式益陽人成化戊戌進士授知縣擢御史總閱章奏頗有聲進大理寺丞經略邊務募兵數千人虛糜無用正德二年巡撫寧夏大沙井驛草場火陞南部以給事中閱邊劾憲欺隱下錦衣獄責償情罪不相麗聞者寃之

壬午設神木千戶所於朝陽崇文門外勒石副都御史周季麟江西按察副使何琛陳恪福建鹽運司同知錢承德紹興知府劉麟荆籍御史姚壽謫鄧州判官

李璽謫

驛丞季麟巡撫順天密雲人李成奪軍餘王信

魚忿詬信怒擊妻死成愬於衛官李琮信懼捕自溺承德時任兵備副使以成從子順助詬論死琛代承德擬如初麟以刑部員外郎錄囚壽恪璽逆按部不之問至是順愬上成通

州季麟等俱獲罪

癸未巡撫陝西右副都御史才寬為刑部左侍郎

籍南康人吳登顯家太監谷大用領西廠緹校四出刺事登

顯等徇午日兢渡之習緹校以龍舟禍之自是民間見鮮衣怒馬作都下語歛跡相告長吏密賂或亡賴子奸喝售利天



下皆重足屏息矣

復故庶人申錡華陽王初成化嘗坐鎮國將軍申錡訐奏褫至是子賓鉅嗣封求卹贈而不謚

乙酉發內庫成化錢給帑雲後衛官俸

丙戌鎮守河南太監廖堂薦各官擬其陞其調吏部多徇之吏科都給事中何紹正等劾堂雖奉旨訪察賢否注遷付之

吏部何檀為

上是之責堂自陳其所為下巡按御史核實

戊子山西巡撫右副都御史徐節削籍罰粟三百石輸大同節前任廣東布政使募盜見劾

己丑前左都御史張敷華卒敷華字公實安福人天順甲申

進士館選授兵部主事歷郎中遷浙江右叅議撫溫處礦盜數千人弘治初至湖廣左布政荆王有守臣以蘄州為邸第獨不署奏巡撫山西太原轉大同之餉仍運米改陝西計擒叛僧擢南京兵部右侍郎進右都御史總漕盡絕干請歷南北臺執議不阿正德初矯旨罷風采凝重為士類稱首瑾誅後始贈太子少保謚簡肅

陳善曰詩云君子如祉亂庶遘已張公一發言議撫而群盜死免者數年德至渥也奕世而雨衣冠蟬連固為善之



報哉

庚寅巡撫大同右副都御史崔巖改陝西大同平城災

初元年哈密忠順王陝巴卒子速檀拜牙即嗣土魯番速檀滿速兒脩好哈密且入貢求其真帖木兒甘肅鎮巡為之請兵部議土魯番稔惡既久今見我杆蔽拜牙即乃早辭稱貢其真帖木兒羈留我郊正古人質其所親愛未可即發且館穀豐厚孱而入壯而出亦朝廷懷柔之善守臣孟先以情實聞得旨其熟計之仍量勞速檀滿速兒奄克孛刺

壬辰朝罷遺匿名書御史奏之俱指瑾等罪上目訖逆瑾叱群臣跪奉天門詰其自太監黃偉曰彼擲此寧復立故所乎徒枉人耳瑾欲搜諸家偉曰彼寧留草也時暑甚有喝者刑部主事何欽順天推官周臣俱喝死偉奮曰此書俱為民社事慨然承之不烈丈夫哉瑾怒入命李榮監視榮起之曰諸君憊心矣小豎投之瓜瑾出跪如故怒榮而入傳旨榮就閒偉徙南京日晡逮朝士三百餘人下鎮撫司市人進飯不索直進士陸伸夜卒獄中都人洵罷市明日瑾微聞中人所為大學士李東陽跡救得釋



癸巳購各番善馬御馬監太監谷大用請責陝西甘涼鎮巡官鎮巡官以馬出天方國遠不可至欲傳諭貢夷兵部尚書劉宇檄甘肅鎮巡官遣官往甲午大學士李東陽等請緩刑言如逃軍盜馬今戎邊而主家隣右火甲戌近衛然罪有差等或限其自首如各官有犯通核歷年經承職名僅一時之失而窮一二十年之遠一事之差而累數十人之衆非惟人才難得抑情有可矜工大是之

乙未通政司右通政熊偉為左僉都御史巡撫大司管理軍務

丙申始授孔彥遷洙泗書院學錄彥章尼山書院學錄前巡撫山西右僉都御史楊澄卒

七 湖成蜀府華陽王賓鉦乞湖廣澧州魚課不許

益王祐楨以食鹽千引弘治十四年後止給三百引乞如原額戶部言王府食鹽原不支運司始自正統間後各藩引例歲支鹽萬餘引又奏乞故先帝定例千引止支三百引難以再更從之

己亥郁侃何沾林偉周謨張祐夏廷芝劉經朱儼曹岐薛鳳



鳴王綸賀銳雷宗平母月范高尹綸李錫為試監察御史楊鳳馬溥然何沾汪景芳俱南京

總督兩廣陳金上柳慶之捷初柳州之馬平洛容程魁數萬官軍分四道擊斬六千六百三十餘級俘千五百餘人進金左都御史

庚子鬻僧牒萬五千人補光祿寺牲費

前廣東按察僉事方良永服闋推補河南信陽州兵備撫民僉事瑾以弘治間添設勒致仕

己酉孔顏孟三氏學定粟六人時授納日盛三氏學生亦波

靡矣

庚戌趙弘澤嗣武靖伯

壬子諭鐘鼓司太監康能等慶成宴選用雜戲令禮部徵天下工技百戲入京於是角抵竿木魚龍曼衍之類盛行於禁掖

癸丑南京工部右侍郎張恕卒恕霸州人成化辛丑進士令夏津拜御史至今官性儉素雖久貴如未仕時家無遺財

甲寅山陽大風雨雹如雞卵傷人禾

戊午祭王祐樞之國常德



裁山東福建南直隸管屯兵備副使

己未提督操江南京右副都御史雍泰為南京戶部尚書不五日勒致仕或謂其不媚中貴也

庚申劉瑾矯旨遣科道各一人核兩淮鹽引

辛酉賜慶雲侯周壽豐潤田八百七十頃初田屬榮王既之國給壽後雍靖王妃吳氏乞田轉給定興滿城之田畿郡賜

庄小民失業

夜月犯天鐔下星

癸亥夜大星青白色自閣道深至雲中

乙丑河南左布政使朱恩為南京右副都御史提督操江

戶部言天下軍衛有司預備倉缺額命侍郎韓福及撫按核先後官吏追償

翰林院庶吉士孫紹先服闋仍入院肄業前此服闋俱改科道主事紹先冀還翰林託同年檢討段昊言於焦芳創留之後遂為例

始遣監察御史巡屯從濟州衛指揮僉事關銳之請

陝西禮縣地震聲如雷

八月寅朔錄宣次樂功賜侍郎文貴及鎮巡官幣二羊酒一



餘各有差

戊辰命司禮左少監張淮給事中張雲御史王注戶部郎中董銳核內庫梭布一萬六千六百餘匹虧萬有九千五百餘匹中外官謫坐百七十三人逮內官張誠侍郎王儼給事中任良弼御史藍章主事劉思賢等十三人奪俸尚書顧佐李鏡等五十二人餘宥之

浙江巡鹽<sup>監察</sup>御史王潤督課遲緩下錦衣獄杖三十削籍為令已巳左僉都御史劉燦為副右都御史給總督蘓松糧儲之章

庚午恭勤夫人李氏卒予祭葬太常寺歲饗

癸酉太子少傅吏部尚書許進致仕劉宇覲吏部會南京刑部郎中缺推署員外郎主事劉吉余祐瑾謂用署職越制責進對狀進謂實授少故推署者亦故事也再責之引咎罷奪左侍郎白鉞俸三月選司俸五月

丙子翰林學士張為謫鎮江同知御史湯沐謫武義知縣沐巡鹽河東牙行有互訐疑為與沐有連陰庇之并奏得罪逮鹽運使李德仁

己卯太子太傅兵部尚書劉宇改吏部尚書



幸已立內廠劉瑾自領之酷烈出東西廠上盡逐市井傭汲  
游食之涿城東千餘人持梃甘死欲刺瑾乃復之又盡嫁娶  
婦京師闕然而止

壬午戶部尚書兼文淵閣大學士楊廷和進少保兼太子太  
保

癸未甘肅總兵都指揮僉事衛勇為右府署都督僉事

甲申大學士李東陽等言巡撫都御史等官總理糧儲果侵  
盜自耳追償若止督治不嚴當從寬減或免官吏部覆上有  
旨切責云如錢鈇之擅改祿米張縉馬中錫等之不職王時

中之酷暴許進之越制選官劉健謝遷韓文等之無知叩關  
餘不能盡舉似此越律之罪不治奚為逆瑾之專恣強辨如  
此

乙酉夜月犯天街上星

丙戌夜月犯六諸王東一星

傳陞錦衣衛帶俸指揮使谷奉張友都督同知

戊子兵部左侍郎曹元為兵部尚書刑部左侍郎才寬改兵

部左侍郎戶部右侍郎林洋為南京戶部尚書

曹州盜趙實等流劫詔捕之



致仕山東管屯副使李惟聰罰米五百石輸大同罷遼東游擊將軍金輔仍罰米五百石俱偽增田糧

刑部郎中陳錄陸棟員外郎徐朴下都察院獄坐稽獄久不上株及錄棟

己丑翰林編脩沈燾為侍講

追兩浙鹽司虧課罰運使甯舉等俸三月仍逮前運使楊奇晁輅宋明梁萬鍾同知亢通趙哲羅珣鄭洪運使王迪李用文孫簡李霖判官黃昌李從輔周思禮黎磐俱去官或物故皆錄其家怨聲載路

罰前戶部尚書韓文栗千石輸大同侍郎張縉羊之翰宣府

偶戶部失籍波罪

辛卯夜月犯軒轅右角星

癸巳戶部尚書顧佐致仕給廩役

甲午巡撫延綏右副都御史杜忠致仕

伊王姊貞丘郡主適儀賓蔡昇昇卒首觸壁死旌其貞烈

樹坊

乙未光祿寺卿孫交為戶部右侍郎提督倉場大理寺卿張鸞為刑部右侍郎巡撫甘肅右副都御史畢亨為南京工部



右侍郎

河南府地震

九月前巡撫宣府右副都御史李進坐虧餉罰粟三百石輸

宣府

戊戌兵部尚書曹元同太監張永英國公張懋提督團營

己亥昏刻大雷電

庚子災傷免鳳陽淮安揚廬徐和夏稅

辛丑罰致仕右副都御史朱欽雲南按察僉事張弘宜粟各

三百石輸宣府以沔陽弓矢久不解欽嘗任湖廣布政弘宜

守沔陽失催也

壬寅禮部左侍郎署太常寺事田景賢為禮部尚書仍署事

戶部右侍郎劉璣為尚書右僉都御史張綸為大理寺卿

癸卯致仕南京戶部尚書雍泰少師兼太子太師吏部尚書

馬文升太子少保吏部尚書許進太子太保兵部尚書劉大

夏禮科右給事中趙士賢御史張津並削籍吏科都給事中

任良弼等廣西道御史陳順等五十六人俱罰粟輸邊各三

百石或沒者免之進子編修讚檢討誥誦

初泰巡

撫宣府檀管將官奪秩後士賢津等交薦大夏覆上文升推



操江辭疾令進仍推操江推戶部尚書失詳奪秩事劉瑾夙憾泰且惡進矯旨加其罪

夜月犯羅堰中星

廣東布政使劉孟為右副都御史巡撫延綏太常寺少卿喬宇為光祿寺卿

故通政強珍子女學等與人訟被誣奏不法籍其家汝學汝思論死

甲辰進士劉璿嘗補縣吏部悞擬評事降璿蒼梧縣丞

丁未通政使韓鼎為戶部右侍郎吏部文選郎中張綵為左

僉都御史越二日鼎失謝勒致仕

貴州都勻長官司長官吳欽與其族土舍吳敏爭襲仇殺兵部按欽之曾祖賴國初立功受爵後陣沒子琮幼而弟貴借襲三世於法敏不得嗣從之

戊申致仕南京刑部尚書樊瑩前右都御史高銓及南京刑部尚書洪鍾郎中邢珣張嶺余貴員外郎余祐左評事何正俱削籍故隆平侯張祐弟祿與從弟禡及宗人沂浹爭賢爵互訐南法司久不決至是解京祿得白禡等遠戍罪及舊讞已酉戶部定諸臣罰粟定勒限否則聽劾大同輸千石戶部



尚書韓文五百石韓文及侍郎張縉等九人三百石都御史  
徐節宣府輸五百石員外郎吳純等十六人三百石都御史  
李進等三人太倉輸三百石指揮僉事經張等四人三百石  
布政周季麟等六人百石尚書侶鍾又都御史孫需等三人  
布政李進等三人御史吳學等三十九人給事中李祿等十  
九人郎中徐鍵等三人三十石員外郎李夢陽宣大輸三十  
石給事中吉時等三十人御史陳順等二十一人二百石給  
事中艾洪等五人御史王渙等十一人檢討劉瑞松潘翰二  
百石都御史劉洪時瑾竊柄假此羅織取賄後凡誥誤羅網  
往、賂瑾以免

辛亥月犯天陰南二星

壬子漕運右副都御史張縉先以揚州饑改漕二萬五千石  
抵廬州所輸鳳陽謂秦法削籍

月犯星

癸丑兵部尚書曹元進太子少保

太子太保禮部尚書周經告老不允

荊州知府王綬自陳捕盜功進一級賜飛魚服綬婪虐附逆  
瑾監司反畏之入覲都察院署其考曰兩司畏其脅制而考



語欺天有姓苦其誅求而怨聲動地雖得其實竟不能去又  
瑾鄉人工部主事馮友端監稅荊州貪暴類綬時稱二虎  
甲寅致仕南京右副都御史陳壽以延綏虧餉宜償穀麥二  
千三百五十三石布千五百十四匹訴貪乞免之

錦衣衛指揮同知余真致仕特賜歲役月廩

乙卯太僕寺卿陳最為戶部右侍郎

撫州知府劉介為太常寺少卿介繼妻美張綵問介我有求  
能應我乎曰身以外惟命綵曰我所求新嫂也敬謝君之諾  
介默不敢對少頃輿劫之又慕平陽知府張忠妻不應令御

史張禰核餉文致其罪擬戍始遣妾未減

王世貞曰屠諭德文陞嘗於史館見錄介事後使過其鄉  
介七十老矣留屠飲徐問其家則結髮婦固亡恙也屠猶  
未信微於其鄉人固然乃欲辨傳言之妄未果予謂國史  
不應矯誣至此或介妻固無此事或新妻而又悞以為妻  
未可知也

丙辰給寧王宸濠南昌河泊所

戊午錦衣衛指揮僉事谷大亮等二十人乞往兩廣勦寇自  
效許大亮等九人仍禁後請時權倖子弟借報效窳身邊鎮



冒功賞或一日數處斬獲實未嘗履陣也其得請或否則視  
權賂為軒輊雖有此禁倖實如故

己未夜大風雷

庚申外戚錦衣百戶張俊傳復指揮僉事

辛酉逮前太子太保兵部尚書劉大夏南京刑部尚書潘蕃

伏羌伯毛銳下獄初田州知州岑猛降福建平海衛千戶不

行改流官知府謝湖懼猛未至及至則猛復據田州逮湖詔

獄湖訟猛之叛由鎮守太監韋經總兵毛銳巡撫潘蕃也經

又訟巡撫劉大夏致之大夏方鉏菜即就捕獄上大夏蕃永

成肅州銳奪太子太傅裁祿五百石經開任湖州籍猛改田

州府同知視事大夏本兵時請汰勇士近倖憾甚故瑾因猛

陷之大夏道汴有司欲賂瑾辭曰此寧能餒彼意第舉殘骸

付之耳時年七十三日短衣候將領門下人服其度作宣召

財二十則自

謂多遺意

王世懋曰予讀正德初紀諸名臣蒙難事蓋深有感焉方

八黨為六部大臣所持韓忠定蓋首創之事成為首功不

成當受首禍瑾所欲甘心者宜莫如忠定然削秩輸粟止

矣劉忠宣為孝宗所厚正德初致仕與瑾絕無纖毫怨



顧遠治最酷諫戍肅州當時雖云劉字憾公 孝廟時不  
為地然非有深仇即仇瑾亦不宜過聽至是蓋在 孝廟  
時盡裁光祿無名供億歲百萬計又議革騰驤四衛勇士  
諸內豎皆切齒大抵犯一人者易為解犯衆口者難為銷  
此人臣出身任事者之難不然公之恭謹溫亮終身無暴  
言遠色蒙禍豈當爾耶

癸亥延綏慶陽大水賑之應天廬鳳淮揚旱 應天等命吏部  
左侍郎王瓊賑

甲子令宗祿按季支給罪先期者

中肯內官監太監周輝守備倒馬關

十月郊遣給事中御史十人覈各邊芻粟馬匹仍令邏卒密察  
自是惱及亡辜矣

辛未徵整理湖廣糧儲戶部左侍郎韓福命南京工部右侍  
郎畢亨兼右僉都御史代福賑湖廣河南汝寧

癸酉錦衣衛帶俸指揮使劉俸自薦才略夸甚令蒞南鎮撫  
事劉字

閏南京災停各項工作

甲戌張欽嗣彭城伯張信子



乙亥裁遵化縣丞

丙子太子太保禮部尚書周經乞休并令南京戶部尚書林泮致仕給廩役泮視經之半

戶部遣主事李緋淮安收糧請乘傳不許責尚書劉璣等妄引事例禁其後

丁丑歲給蜀世子讓棚本色米三千石不為例

給事中何紹正盧綸李陽春吳玉榮薛金胡洪張賢林文迪核大同宣府遼東甘肅等糧儲馬匹貴州令巡按御史兼理之

夷人兀弩骨赤等二十一人來降本山西人被掠屬脫羅干部下乘自仇殺得逃各賜金尋授兀弩骨赤錦衣衛副千戶伯牙思忽為頭目伯兒合等十二人充御馬監勇士故事歸義夷人皆安置兩廣

己卯吏部右侍郎白戩為禮部尚書左都御史陳金改南京戶部尚書南京右都御史張泰改戶部尚書致仕

卯刻金星晝見數日不止

癸未夜月犯天鐸下星  
甲申韓府通渭王偕涇薨謚恭裕



丙戌戶部左侍郎吳文度為南京右都御史左僉都御史張綵為吏部左侍郎通政使王啟為兵部右侍郎仍署通政司事右副都御史劉洪為右都御史總督兩廣軍務兼理巡撫曉刻金星犯亢宿南第一星

丁亥婺源朱燿以朱熹十代孫求復其家許之

己丑王昂金賢熊紀李學魯葉相葉良周金安金呂經朱璣為給事中良南京戶科

庚寅已刻南方有星自中天派至東南近濁

兵科都給事中趙鐸等劾宣府太監陳貴總兵白玉右僉都

御史鄧璋市恩將士冒功賞紀功御史郭東山不聞被劾實

跡上是之璋玉奪俸下東山錦衣獄廷杖削籍蓋賞格廢

戰始天順元年衝鋒破敵始成化十五年至是戒紀功官毋

立新名否則罪之

辛卯整理兩浙鹽法兼右都御史張憲回院

壬辰盛鵬竄溥張璪張縑鄺約高嶼顧英危行張芹李緯王

九峰汪賜江萬貫杜昌章槩潘銳周奎並為試監察御史

癸巳錦衣衛都指揮同知高得林兼提督巡捕

寧夏地震有聲



甲午翰林侍講王瓚為國子司業

十月己未朔應天賑濟侍郎王瓊并賑廬鳳淮揚

蔚州地震聲如雷

前江西提學僉事黃仲昭卒仲昭字

莆田人成化丙戌

進士館選授翰林編修言事謫令湘潭尋內除南京大理寺

評事癸巳進寺副

庚戌遷督學丙辰致仕年七十四所著

水軒集十四卷

丙申夜大霧

謫禮科給事中曹大顯浙江布政司照磨貴州道監察御史

劉金柅源縣丞俱核訥忤逆瑾下獄杖二十

丁酉張祿嗣隆平侯張祐從弟

戊戌秦府奉國將軍秉欒嗣永興王誠瀾再從姪非制也

己亥有星自井宿東北流至軒轅

臨海縣火

庚子吏科給事中何紹正戶科給事中盧綸頒曆道駕失儀

被糾各下獄杖二十調紹正海州判官

辛丑核遼東倉庫罰先後都御史王宗彝陳珪張韓重郎中

王濟叅政繆昌甯舉劉繹各粟千石監察御史王獻臣胡瓚



給事中吳夢侍郎張縉熊繡王佐郎中羅榮陳大章居達楊志學兵部尚書馬文升戶部尚書侶鍾顧佐各五百石輸宣大給事中白思誠御史儲珊以重劾加俸一級士論鄙之癸卯撤馬見罕國王沙亦札等入貢

前南京戶部尚書鄭紀卒紀仙游人天順庚辰進士館選授檢討 憲廟初上十二策疾免踰二十年補官遷浙江提學副使弘治初拜祭酒躡諫齋醮踰年改南左通政歷南太常卿戶部右侍郎至尚書自負用世之學家食雖久同年劉健深知之卒躡一座則才自足致之也

甲辰順天府尹胡汝礪為戶部左侍郎

衛輝地震

丁未巡撫延綏右副都御史杜忠卒

戊申夜月犯六諸王東第三星

前工部左侍郎潘禮卒禮歸德衛人天順庚辰進士廉潔知名正德丙寅年八十一詔月廩三石嘗鄉居魁至無長物禮曰有酒可飲魁諾飲而去

己酉禮部左侍郎署國子祭酒謝鐸致仕鐸恬退弘治間移疾至是年七十五



夜月犯井宿鉞星

丙辰兵科給事中周鑰使淮安還自刎舟中凡使還俱賂瑾  
淮安知府趙俊許貸鑰千金而負之遂憤死逮俊論罪巡按  
御史趙時中不以聞削籍

戊午翰林編修吳一鵬為侍講

工部尚書李鏊致仕

己未福建按察副使張壘誣構泉州同知丁茂賍罪且茂  
訴得釋壘論死

辛酉南京右都御史吳文度為戶部尚書并南京戶部右侍

郎王珩致仕時吏部推文度珩補工部尚書

保國公朱暉被劾辭營務

癸亥巡撫寧夏右僉都御史王一言卒

前南京刑部尚書樊瑩卒瑩字廷璧常山人天順甲申進士  
授行人擢御史歷守松江平陽至今官誠懇簡易宦績甚著  
年七十五逆瑾誅始贈太子少保謚清簡

十貳甲子朔 上視郊牲

丙寅南京刑部尚書洪鍾改工部尚書右都御史張憲改北  
丁卯泰寧三衛入貢許市牛隻田器



戊辰給哈密衛忠順王速檀拜牙郎粟五百石

己巳巡撫宣府右僉都御史鄧璋為南京戶部右侍郎

庚午工部左侍郎吳洪為南京刑部尚書

翰林院庶吉士安磐改吏科給事中

惠安伯張偉提督團營

太保長寧伯周或卒

辛未敗南京戶部鹽引銅版改隸戶部從巡鹽御史宇文鍾

之請戶部執奏如舊不聽後瑾誅復之

滿刺加國入貢

都御史張子麟改提督南京糧儲時推張子麟儲權補戶部

既用權責子麟不務公事再有過定加謫治人莫能測瑾意

也

逮長蘆巡鹽御史新淦徐禎下詔獄瑾初厚望巡鹽御史賂

禎空手見瑾怒下之獄猶日望其賂來也久之不至竟矯

詔杖三十以戍肅州坐掠重卒禎字賓賢弘治己未進士

李夢陽曰予往在詔獄見君為涕泣念母今母存而君則

亡止於非命論者頗疑為善而不報夫孟子不云天壽不

二修身以俟之誠若云云則顏回之倫非哉



慶成王府奉國將軍表楨先聘典仗所餘丁田林女適祖喪  
至是服闋請婚以舊禁本府軍校家選婚不許  
辛卯旌西河王府鎮國將軍鍾銘子奇洋孝行  
壬辰災傷罷脩京城

己巳正德四年

正朔弋金吾左衛百戶王鳳翟勇侯良李經陳能周海李宣王  
瑞為試百戶放月餉違期調邊衛

辛丑廣西左布政使王綸為右副都御史巡撫湖廣贊理軍  
務時推南京光祿寺卿熊祿令致仕

湖廣左布政使邵寶為右副都御史總督漕運  
陝西禮縣地震

甲辰劉瑾於陝西興平馬嵬鎮立義勇武安王廟賜額忠義  
瑾作玄明宮於朝陽門外費鉅萬

故巡撫寧夏右僉都御史劉憲罰粟五百石陝西右副都御  
史楊一清苑馬寺卿車霆各罰三百石

己酉憲廟廢后吳氏薨劉瑾欲焚其骸大學士李東陽王



鑿等言漢成帝廢后許氏葬延陵交道厰西光武廢后郭氏  
葬北邙山凡廢后史書葬無庶人禮廢后吳氏 憲宗皇帝  
詔云別宮閑住累朝以來供奉優厚今禮不可闕遂視 英  
廟惠妃故事祭用素羞於墓

曉刻金星犯建東三星

庚戌應天府丞李堂為南京光祿寺卿

日暈有左右珥青黃色

壬子調廣西武岡戍兵千一百人於永州禦苗寇

癸丑刑部尚書王鑑之致仕給廩役

乙卯南京吏部右侍郎王瓊改南京戶部右侍郎令南京通

政司通政程文致仕文前大學士劉健壻時文被推瑾去之

丙辰工部尚書洪鍾改刑部尚書兵部左侍郎才寬為工部

尚書

曉刻月犯房宿北二星

晉府義寧王表槻薨謚僖裕

旌魯府鎮國將軍常溟及子健 孝行樹世孝坊

戊午大理寺少卿李春削籍春使福建娶妻又多私費東廠

糾之仍罰粟五百石



己未戶部左侍郎胡汝礪改兵部左侍郎

夜有星自北斗魁東派至七公後小星五隨之

庚申遣給事中張禴改豸胡珙王珮監察御史房瀛沙鵬改戶部署郎中胡文璧張諾馮顯刑部郎中朱壘張禴劉祥陸棟兵部員外郎屠奎為監察御史核京省稅初覲官賂逆瑾

每省至二萬緡多貸於京還割庫金償之瑾不自安其黨張綵計核賦可掩也於是各官又培克充庫天下騷然

賑丹陽金壇饑民

復連山縣舊治天順中徙小水坪嶺

監察御史歐陽雲工科給事中吳儀劾籍雲儀使陝回例賂瑾通瑾矯名不受以貪黜之

辛酉籍故右副都御史錢鉞家初崇王祿萬石例粳千石粟九千石弘治間鉞撫河南遽以土粳四千石代粟至是崇王請給觸瑾怒責紊制籍其家承奉唐名長史雷顯等各罰千石鉞家杭州且卒子應禎應祥應祺應福應禧應祿及妻子分戍肅州固原莊浪等衛遇赦不原鉞之改粟為粳實因民便而瑾以焦芳計欲籍江南巨室一畝麓內置衣飾一二輒責富人倍納杭人苦之



勅戒榮王益敦敬慎永保祿位時就途騷擾故  
二月子增夜巡紅鋪指揮二員舊三員

陝西道監察御史林琦擬讞失當調樂昌知縣

丁卯曹倣冷敬許鳳張璿顏正張縉李元俞縉童寬胡止為  
試監察御史

戊辰申飭武學舊例

己巳琉球中山王尚真人貢

庚午刑部吏董遜之告即中周滌員外即虞岳主事嚴承範  
章文韜檀易賍物俱除名陞遜之司務司務例貢士高等序

即中上非揀選也時無見闕調各衙門

壬申太傅慶雲侯周壽卒壽孝肅太皇太后之弟性謹厚

不妄通賓客年六十一贈宣國公謚恭和

甲戌傳陞錦衣衛指揮高得林後府都督同知帶俸

山東逋盜王紹吉等伏誅

丙子命瀋府永年王孫徹構主府事

停南京征科罷工役

己卯宣府龍門衛地震

庚辰命錦衣衛正千戶石文義理刑從都指揮楊玉之請



辛巳應天府尹黃寶為右副都御史巡撫陝西令采傳至京  
領勅巡撫不自領勅瑾邀賂劾之

中旨錦衣衛指揮僉事劉璋同楊玉辦事

甲申朵顏等衛都督花當貢馬駝鷹犬乞賞駐關外禮部議  
不時貢卻之 上受貢馳賜其賞

許南京湖廣河南陝西浙江贖罪粟一石准收雜糧一石五  
斗賑饑

丙戌前大學士劉健謝遷劾籍先是舉懷才抱德之士餘姚  
周禮徐子元許龍上虞徐文彪預名屢求用逆瑾憾健遷矯

旨謂餘姚隱士之多必徇私援引下禮等鎮撫司獄且株及

健遷瑾欲坐逮籍其家東李陽力解焦芳曰雖輕亦當除名  
禮等戍邊布政使林符邵賢李贊叅政伍符叅議尚衡馬輅

紹興知府劉麟各罰三百石推官譔聰知縣汪度免官著令

餘姚人毋選京秩 健草詔并罪

丁亥刑科給事中沈焯先按事失當下獄當復秩中旨謫湖  
廣布政司照磨

戊子勒山西右布政使姜洪致仕時推福建左布政中旨洪  
既年六十六遂用湖廣右布政使陳良器



給玄明宮猫竹廠地廠年久無考軍民宅墜數千家皆他徙  
暴骸冤慘

左府都督同知莊鑑卒鑑遠東定遠右衛指揮使知兵勤慎  
小心屢立功

己丑禁罷官留京

南京禮部尚書江瀾卒瀾仁和人成化戊戌進士館選授編  
脩歷侍講侍讀學士少詹事吏部左右侍郎孝友謹厚子曉  
暉俱進士

庚寅周塘嗣長寧伯

辛卯大理寺右少卿顏頤壽清理延綏屯田

魯府鄒平王陽鎔薨謚恭懿

史賓襲錦衣百戶 憲廟保母莊靖夫人之孫祖玉傳陞百

戶端代之至是賓求襲兵部以非軍功格之有旨保母恩三  
世而止著為令

三朔已朔禮科左給事中薛金監察御史宋璉核大同邊費初  
侍郎文貴脩邊支費五十餘萬璉受賂實護之

甲午免南京錦衣等衛屯租

乙未廣西布政司左叅議林璿為湖廣左叅政時并推山西



左叅議倪天民命天民去天字且禁其餘俱改之

哈密衛使臣忽散木丁谷勒母罕默各訴通事王永索六十餘金時永侍豹房怙寵禮部不敢斥其罪置勿問第贖之罷廣東市舶司太監熊宣回南京內官監太監畢真代之

昏刻月犯天陰南第二星

己亥夜月犯井宿北第二星

庚子蓋州衛地震有聲

壬寅裁廣西太平府通判知事檢校

癸卯辰刻雨雹及霰良久止

甲子制勅房太常寺少卿劉棻罷禁考察降黜者住京

江西按察使陸完試右僉都御史巡撫宣府完陞秩踰三月入京瑾劾抑之

乙丑工部尚書才寬兼右都御史總制延綏寧夏甘肅軍務兵部左侍郎兼左副都御史文貴總制大同宣府軍務初西陲失事議設大臣節制鎮巡以下

丙寅禮部左侍郎陸灤為南京禮部尚書南京吏部右侍郎李旻代灤明日復改旻南京左侍郎

山西按察副使王鴻儒為國子祭酒劉瑾採時望拔之



丁卯叙柳慶功賜總督右都御史陳金玉帶

辛未禮部右侍郎費宏為左侍郎太常寺少卿兼翰林侍讀

斬貴為右侍郎

逮高人戴克明貸禮前部左侍郎黃景而隙誣奏景龍袍不

成肅州上人戴克明與景有

法遂遣印綬左少監李宣刑部左侍郎張鸞錦衣都指揮同

知趙良勤之逮繫數百人俱失實惟石坊雕畫龍鳳并鐫黃

府字坐犯分籍其家成景肅州餘五十八人戍邊前江西叅

政王綸巡按御史臧鳳及守令各罰粟五百石克明亦戍邊

肅州衛西山口營天鼓鳴

甲戌巡撫延綏右副都御史劉孟久不領勅視勅一云孟至綏德

徵回失謝劉瑾托以赴任緩期下錦衣獄

免鎮守大同太監侯能以入殺掠并責總制文貴

乙亥少傅兼太子太傅戶部尚書武英殿大學士王鏊致仕

馮時可曰當瑾初發難六卿伏羲攻之韓司徒為嚆矢公

以身幾焉及司徒斥二閣臣繼謝公以人望特簡士戴為

標國倚為柱而公森、昂、如松拔灌莽如鶴立雞群外

不示同異內有以陰折其萌亦彈厥心矣及瑾益肆橫派

滔天不可隄塞公遂介于石不終日以幸進如懸曜退如



收雲乃其委蛇恬穆略無居名兢勝抑何深至乃爾昔人  
謂澹泊明志寧靜致遠公所以通神明鏡始末提緯宇宙  
節立名全豈非冰心玉壺為地君子哉

丙子中旨御馬監太監梁玉鎮守大同

丁丑萬全都司柴溝堡地震

西安後衛指揮同知朱贊等以先年入失守戍利州衛

戊寅大理左寺丞甯杲謫潛山知縣杲初御史鬻鹽兩淮已  
停鬻未具奏遽任

己卯給事中李淳監察御史仇惠核延綏寧夏歲費罰右都

御史楊一清僉事尚繻慶府長史劉養浩梁溥粟各三百石  
致仕戶部尚書顧佐侶鐘韓文郎中徐鏡石昭各半之時科  
道望奇然劾方橫噬為能不屬廢不止

板冊鬻罕東衛都指揮使賞卜見加子

辛巳許翰林編脩李時歸省初請假詰吏部例安出以成化  
末詔六年歸省對

大徵樂工入京時教坊得幸請禮部檄天下上技於是乘傳  
續食者數百人

壬午考宗敬皇帝實錄成雋芳在弘治間覬進失望至是



脩却如葉盛何喬新彭韶謝遷皆肆詆認同官李東陽等不  
敢矯異故上表是曰是非曰非豈敢專於獨見疑傳疑信傳  
信庶以備以將來

丙戌鞏昌固原秦岷寧夏中衛地震有聲

丁亥增環慶分巡副使

監察御史趙時中巡按直隸阮吉巡按陝西還少舉劾下錦

衣獄

己丑暫停鑄錢

辛卯上寇大同威寧海及左衛

前巡撫貴州右副都御史張廉卒歸安人成化丙戌進士

南京吏部左侍郎李旻卒旻錢塘人成化甲辰進士第一授

翰林修撰濶達調儻不甚拘繩尺人多忌之

五 丑辰朔罷巡撫大同左僉都御史熊偉中肯改總制宣大兵

部右侍郎兼右副都御史文貴右都御史巡撫大同罷總制

不設

戊戌命吏部擬纂修實錄官陞職等第且謂先年劉健等脩

會典糜費革其陞職仍令李東陽等覆定於是降少師大學

士李東陽支從一品俸吏部尚書梁儲為右侍郎少保戶部



尚書楊廷和禮部尚書白鉞支從二品俸禮部右侍郎靳貴  
為光祿寺卿左諭德兼侍講傅珪侍讀朱希周俱修撰左諭  
德兼侍講毛紀降侍讀五經博士潘辰仍典籍光祿寺卿周  
文通降禮部郎中仍支從四品俸吏部郎中沈冬魁降員外  
郎前翰林學士調鎮江同知張為降兩浙鹽運司副使守制  
禮部尚書劉機降從二品俸左庶子兼侍讀毛澄降侍讀侍  
讀顧清降編修致仕吏部左侍郎楊守陟降右侍郎南京吏  
部尚書王華降右侍郎劉瑾意抑儒臣又焦芳以東陽軋已  
導瑾裁之

潘府臨川王詮銖薨謚榮懿

戊申汝王佑棹乞榮澤河陰汜水退灘地六百二頃有奇  
上特許之

庚戌江西浙江右布政使林廷選安惟學為浙江陝西左布  
政使附批翰林編脩董玘謫安成知縣焦芳譖於瑾以玘姻  
謝遷也

辛亥南京太常寺少卿羅玘為寺卿附陞李貢為右副都御  
史巡撫遼東勒劉瓛致仕故事撫臣廷推令中旨何也  
壬子纂修官翰林侍讀毛紀為侍講學士侍講豐熙為右諭



德脩撰傅珪為左中允朱希周為侍讀顧鼎臣為侍講編脩  
滕霄傅壙為脩撰典籍潘辰還五經博士改董玘刑部主事  
以玘姻謝遷也

中旨錦衣北鎮撫司正千戶石文義為指揮僉事

癸丑琉球中山王尚真來貢

甲寅罷廣西布政司右叅政楊茂元

乙卯安南國王黎誼來貢

丁巳巡按山東監察御史胡節辰代欽金鯤劉瑾至是御史

張禴發之逮節辰肅州山東右布政使張吉僉事毛廣鐫二

秩候直削籍

戊午巡撫寧夏左僉都御史曲銳為南京禮部右侍郎

庚申制勅房河南右叅議周文通為太常寺少卿以叅議外

官無牙牌奏改命先是叅議銜朝叅牌仍五品京職

署欽天監事太常寺卿吳昊卒吳臨川人天文生居官盡職

直言有清操予祭葬

六朝酉朔改曲銳右副都御史仍巡撫寧夏湖廣左布政使王

綸為南京禮部右侍郎

壬戌江西道監察御史阮吉巡按陝西舉劾失當請成安知



縣

甲子蘓松常鎮大饑緩其征

乙丑賜真人劉良輔祭塋

丙寅尹梅韓荆萬莫田汝籽黃質閻欽石柱陳鼎劉洙潘埏

賴鳳為給事中己吏科都給事中李憲言進士未練宜試職

一年於是柱欽洙埏鳳俱試給事中憲附瑾凌人稱六科都

給事中

限都王校尉二十人舊三十人潘府定陶王初封僅十人詔

倍給之著為令

丙子內官監太監楊鎮使南京私鹽降奉御

丁丑鳳陽高墻少監金奉同南京戶部主事收糧非制也從

與備太監黃準之請

己卯周瑛嗣慶雲侯周壽子

監察御史劉孟枉道過家逮之械致石副都御史劉孟於吏部門以吏部救解罰粟

三百石輸居庸闕削籍

庚辰南京翰林侍讀學士石琚為南京國子祭酒五經博士

潘辰為編修

壬午罷候補兵備僉事李晟晟舉進士成化末任都察院經



歷好談兵。製戰車皆弗效。至是奏陣法。隅落鈎連。可省  
兵食。而不言其繇。又歷叙淹狀。上春秋安攘六論。古今經略  
一覽。俱大言無實。放歸。晟初稱造木牛。沅馬。又請鑄甲。成  
試馬上。數步而仆。

癸未。奪近年布政司管糧官勅。

乙酉。夜月犯天街上星。

丙戌。罷總督蘓松等糧儲都御史羅鑒。不設事歸御史。

丁亥。追罰前尚書樊瑩。彭韶。侶鍾。侍郎王克復。劉璟。粟五百  
石。尚書何鑑。侍郎魏紳。都御史艾璞。御史饒樵。右布政劉琬。

同知湯敏。各七百石。初松江匹布。准米二石。成化二十年。巡  
撫王恕。同知府瑩。節其米。減五之一。其後韶等。遍減布。愈下  
故得罪。

巡撫寧夏右副都御史曲銳。失事免。

戊子。吏部尚書劉宇。兼文淵閣大學士。宇粗厲。自總制賂瑾  
入內。臺好撻御史。轉兵部。恣賄。及吏部不自得也。瑾亟欲拔  
侍郎張綵。故相宇初入。直瑾。往賀。明日。猶入。直瑾。曰。此地豈  
容彼入哉。遂不至。踰歲。引去。時以焦芳流毒。曹元尸位。宇視  
彼。羞勝矣。



庚寅吏部左侍郎張綵為吏部尚書自文選郎中躡進不及  
歲

巡撫宣府左僉都御史馬炳然改撫寧夏尋進右副都御史  
按察使楊綸為左僉都御史巡撫宣府

七朝外朔前府署都督僉事李璵充副總兵分守遼陽

金縣天鼓鳴

甲午襄城伯李廓卒廓碌、庸流晚婚太監魏彬弟英多醜

聲

乙未雷震周府門柱傷人

南京工科給事中殷雲霄卒雲霄字近大壽張人弘治乙未

進士辛未令靖江轉青田乙亥進工科年二十七性方峭所

著石川集

丙申吏部右侍郎柴昇為左侍郎戶部右侍郎孫交改吏部

右侍郎

丁酉右春坊右諭德豐熙署南京翰林院事吏部擬陞學士

劉瑾久外熙僅故銜往

浙西旱是日暴雨至十月不止腐稼民大饑

趙府輔國將軍祐棕言宗藩輔導非人向月科貢近年多監



生舍人袁德者乞嚴其選詔從之

荆王厚焄請左長史施魯加四品紀善陳錦加長史以越制

魯削籍錦致仕仍戒諭宗室

隆平侯張祿使益府道卒

前南京戶部尚書張泰卒泰順德人成化丙戌進士知沙縣

撫安盜孽拜御史歷今官清慎一節

己亥命順天戶禱旱

壬寅監察御史劉尚義巡順天保定

駐天津甯果巡真

定廣平駐真定薛鳳鳴巡應天淮揚駐高郵潘銳巡蘓

松薇寧駐蘓俱捕盜兼督屯田杲等貪悖出瑾門下

乙巳令朝士毋携疾還里

戊申武定侯郭勛為後府僉書

前文華殿禮部尚書張駿卒駿華亭人貢士善書除中書舍

人供奉文華殿歷今官

庚戌四川盜劉烈等流掠漢中衆二千餘人

癸丑刑部左侍郎張鸞免印綬少監李宣降南京奉御錦衣

都指揮同知趙良降南京百戶鸞等勘事江西還賂劉瑾瑾

方刷其污罪之輸金內庫罷鎮守太監姚舉罰右副都御史



林俊等各粟三百石

前南京工部尚書李孟賜卒孟賜雖人弟孟昶同成化壬辰進士授給事中致八座以敦謹聞孟昶終陝西按察使

乙卯征前將軍鎮守遼東總兵官左都督毛倫改湖廣分守遼陽署都督僉事李璵總兵鎮守遼東

丙辰鄭王祐禔請祿命旁支襲封止歲給五千石著為令

丁巳中旨刑部右侍郎劉璟為左侍郎提督南京糧儲右副都御史張子麟代璟太僕寺卿屈直代子麟

戊午劉瑾言校尉偵江西左布政使馬龍貪濫僉事阮賓輕

浮命龍削籍賓免官

庚申翰林院檢討焦黃中庶吉士邵銳黃芳劉仁並為編修

孫紹先為檢討紹先弘治十八年庶吉士服闋故事庶常三

年始授秩黃中仁藉父勢驟進

八朝酉朔中旨傳陞錦衣衛冠帶舍人王聰百戶聰簡乞即批

簡工下兵部

詔度各邊屯田戶部左侍郎韓福往遼東苛甚義錦等州軍亂尋撫定之

壬戌處士沈周卒周字啟南長洲人博學喜為詩雖以畫名



其潛德非人所及所著石田稿客座新聞等書年八十三  
癸亥傳陞大隆善護國寺國師著肯藏一為法王刺麻羅竹  
班卓班丹端竹卓羅竹朵而只堅叅俱為左覺義道錄司左  
正一栢尚寬為真人

鎮守陝西署都督僉事曹雄進都督同知總兵給鎮西將軍  
印別鑄靖江將軍印給鎮守延綏吳江

甲子劉瑾偵報江西新建主簿孫環廉能宜擢瑾蓋寄腹邏  
校時有舉刺示公實攬權也

前監察御史湯萬成肅州赦歸寓壽州萬兄槃胥州人王濡

賂萬不知也濡訐萬稱都主侵官地作觀星樓盜陵木命給  
事中安磐錦衣千戶郝凱甚之濡失實反坐仍奏辨遂坐萬  
援赦自脫杖五十仍成肅濡槃成遠東磐凱失出下獄久之  
釋直臣冤成晚又罹文網哀哉

丁卯巡撫大同右都御史文貴劾免

戊辰定翰林院官學士一侍講侍讀學士各一侍讀二侍講  
脩撰五編修八檢討四

己巳懷寧侯孫應爵提督上林工程

哈密衛火者馬黑木襲都指揮僉事 馬黑麻赤兒米即子



甲戌南京禮部右侍郎王綸為左副都御史巡撫大同  
乙亥旱災免同州朝邑等田租

戊寅應天府尹常麟為南京禮部右侍郎

入宣府

柳州知府劉璉迎上官於木康崖值盜死

壬午南京大理寺卿胡富為南京戶部右侍郎

甲申江西左布政使周宏為應天府尹

丙戌浙江左布政使林廷選為南京大理寺卿

夜大星見山東益都臨淄樂安等縣又紅光如虹天鼓鳴

是月鄠渭南嘉禾生

九月辰巡按山西監察御史馬昊嘗薦平陽知府張忠已忠侵

帑戍肅州昊遷山東僉事調外

土魯番速檀滿速兒求還其弟真帖木兒命居之甘州

己亥翰林院庶吉士安邦為吏科給事中

左副都御史韓福免

癸卯徙吏部黃籍於內府干步廊議出尚書張綵於是成籍

多煙

乙巳湖廣布政司右叅政張翼為右僉都御史巡撫甘肅



逮磁州知州白輔下獄削籍仍罰粟三石百

孔承夏為曲阜知縣初授孔公統被訐免訐者承章承周尋  
戍海南於是勅衍聖公聞韶約束宗人

丙午兩廣江西湖廣四川陝西多盜許各鎮巡諭盜自首擒

捕

丁未夜月犯天街南星

己酉翰林侍講學士毛紀為學士左中允傅珪為侍講學士

夜月犯六諸王東二星

貴州總兵懷柔伯施璿廣西副總兵張勇俱劾免

前南京戶部右侍郎王珩卒珩趙州人成化己未進士授工

科給事中歷官三十餘年雖方嚴不能宏覽

辛亥後府都督同知郭銳卒銳合肥人世指揮使鎮廣西總

漕淮安績為著

甲寅南和伯方壽祥總兵鎮守貴州永順伯薛勛南京操江

署都督僉事張文淵副總兵鎮守廣西

丙辰戶部右侍郎儲燿為左侍郎光祿寺卿喬宇為戶部右

侍郎

丁巳吏部推劄遜廣東瓊州兵備副使不許初遜被劾謫澧



州判官又沮柳岷府謫四川行都司都事後薦歷湖廣副使  
裁去至是勒致仕

寧夏地震

戊午階州地震聲如雷

己未大理寺左少卿楊潭為光祿寺卿

提督四夷館太常寺少卿李遜學兼翰林侍講

閏秋辛酉前府署都督同知馬澄總兵鎮守薊州

壬戌察罷雲南僉事劉用中曲靖知府林堪晉安知州朱易  
時邏校四出官吏少失其意輒誣詆瑾多從之

丙子諭吏科都給事中李憲等近來徇情曠職今後遇重事  
宜即糾舉毋蹈故轍蓋科道畏瑾鉗忌欲藉耳目令承望彈

劾

南京戶部主事張鍵擅宿察院乘傳逮下獄謫衛輝通判

丁丑兵部主事徐子熙為光祿寺少卿直文華殿凡供奉內  
殿俱雜技藝時其上瑾詩干進遂令吏部選進士子熙甘就  
試縉紳鄙之

劉瑾奏鹽法一免徵天下戶口食鹽銀鈔一巡鹽御史親掣  
一禁私販夾帶一裁虛引詔從之獨戶口食鹽如故



談遷曰戶口食鹽輸銀鈔於官即給以鹽國初立法至善也其後祇輸銀鈔不復給矣豈非漁利成習功令為文具耶逆瑾雖妄議要未得盡廢之也

戊寅入大同團山墩

癸未大同副總兵都指揮同知馬昂為署都督僉事總兵官鎮守延綏

甲申是月伏延綏塞外輕騎抵新興堡誘副總兵侯勛出圍之叅將周誠指揮岳瀛援之亦被圍尋解斬九十餘級我失亡亦相當喪馬至二千七百餘匹已入掠圍總兵吳江

於龍州城叅將王勛救免總制才寬等以捷聞勅勞之

丁亥吏部尚書兼左都御史屠滂致仕

錦衣衛指揮使馬釗以擒盜功進都指揮同知太監永成姪

署都督僉事楊敬為叅將都指揮同知許泰為游擊將軍率

五千八備薊州

十月丑朔巡撫寧夏右僉都御史徐以貞遣壻上捷被劾下錦

衣獄削籍

南京戶部尚書陳金為左都御史

癸巳山西按察使黃珂為右僉都御史巡撫延綏



英國公張懋辭團營仍提督五軍營

中旨分守龍門都知監太監孟山鎮守延綏都知監右監丞  
馬順代山奉御薛深莞神機營左掖二司

甲午南京禮部尚書張潔改南京戶部尚書

丁酉順天府丞楊孟瑛仍杭州知府初孟瑛守杭濬西湖至  
是御史胡文璧劾其妄費吏部議畢其工遂遣之

薊州分守太監高永失事免

戊戌南京兵部右侍郎孫需為南京禮部尚書

懷寧侯孫應爵兼提督團營

辛丑中旨都知監右少監郭奉分守燕河營劉家口奉御袁  
海堯神機營左哨頭司

壬寅增宣府游擊將軍白春

癸卯前順天府戶部右侍郎南京兵部右侍郎南京提督糧儲  
右副都御史屈直改南京大理寺卿

巡撫湖廣右副都御史王綸以武昌漢陽饑勸賑勒石罪其  
斬者部議勸賑不得行於窮州下邑適滋其擾上是之

伏羌伯毛銳總兵提督漕運

夜月食



甲辰吏部復議簿載不任京職之例

丁未涼州右副總兵都指揮僉事姜漢為征西將軍署都督  
僉事總兵鎮守寧夏

戊申南京太僕寺卿夏昂為右副都御史總督南京糧儲

張元電蕭海張宏王度李璣王潮蔡澄鮮冕李如圭為試監  
察御史

魯府高密王當涓薨謚康穆

華陰地震有聲

己酉吏部推河南按察司僉事徐聰補陝西布政司右叅議

從之所陞魏訥右僉都御史代劉挺中外莫能測也

廣東按察僉事吳廷舉劾岷府使人陳鶴貪淫之罪下鶴等  
獄申戒宗室

庚戌南京光祿寺卿李堂為南京左僉都御史提督操江

辛亥祠漢丞相諸葛亮於雲南歲祭從太監崔安之請

癸丑鎮守大同總兵都督僉事溫恭屢失事降鎮衛指揮

僉事

甲寅水灾量折漕粟蘇州二十五萬石松江二十萬石常州

五萬石



乙卯巡撫遼東右副都御史李貢致仕應天府丞王彥奇為  
右僉都御史代貢廣東左布政使馮鎬為光祿寺卿  
中旨御用監太監馮寧分守四川建昌行都司

丙辰傳陞 衛指揮同知張容都指揮僉奇百戶黃欽副  
千戶總旗張明舍人王永俱百戶容等私東劉瑾因陞之不  
由奏乞

右府武平伯陳勳卒

十一 己未朔至日朝賀改望日進曆  
曉刻火星犯進賢又派星自五諸侯至婁宿光漸散

庚申前山東按察使王雲鳳為國子祭酒張綵薦之亦變例  
也

崔銑曰王虎谷之節介豈非強哉乃甘張綵之臨受劉瑾  
之包與瑾鄙人孫聰交不終矣古云一薰一蕕十年猶有  
臭雖德難常劇猶不可輕予

壬戌公侯伯都督俱試內府教場

嚴鳳陽皇陵盜木之禁

癸亥總制陝西工部尚書才寬樂 花馬池出塞外明日追  
擊至原羊泉斬四級 大至射寬死之贈太子少保謚襄愍



詹子介錦衣百戶總兵曹雄懼得罪賂劉瑾二萬金令子謙  
入見瑾偉其貌許以兄女遂以賄金納承瑾喜甚不問敗事  
寬跌宕不羈及領鎮好戰馭下寡恩故及於難

楊一清曰武侯李靖未嘗廢營陣世無岳武穆豈可恃野  
戰以為能哉才之死固出不幸而後之易其言輕進貪功  
者可以鑑矣

乙丑葺故兵馬副指揮闕敏廟敏廣東順德人國初從廖永  
忠征南戰沒立廟順德

傳陞朱鐸朱福朱寧朱安朱清朱秀朱通朱達朱祥朱銘朱

銳俱錦衣正千戶朱璽朱文朱聰朱忠俱所鎮撫以宦官廝

養冒國姓稱義子

丙寅逮前大同巡撫右僉都御史熊偉戶部郎中王紳下鎮

撫司以召商納芻粟虧額

丁卯進吏部尚書張綵刑部尚書洪鍾太子少保

傳陞錦衣衛舍人張林百戶

己巳中旨御馬太監張鳳分守安

夜月犯天街上星

辛未蘓州知府鮑瓚犯贓下詔獄或撫順瓚妻墨見統綺者



即杖之索贖金有脫紈綺而逃隸即以紈綺他衣之代償  
夜月犯六諸王左右星及井宿

乙亥太僕寺少卿于瑁刑部主事方位削籍刑部郎中孫徽  
調外樂工施錢爭產令妹

瑁位留連<sup>外</sup>下錦衣獄

丁丑沂州郯城天鼓鳴

戊寅復廣東茂名縣儒學成化間兵燹并入高州

甲申安南國王黎誼寵臣阮种初阮伯勝等竊柄遷誼別宅  
迫令自盡欲立伯勝丙戌王目黎廣度黎垌鄭江等以國人

討滅之立灑從子嗣主國事嗣一名澄改元洪順追謚厲慈

王

乙酉刑部尚書洪鍾兼右都御史蒞院

崔哲王鎔陳祥邢昭王廷相蕭選張璜為監察御史同劉繹  
李如圭鮮冕整理各路鹽法兼捕盜繹兩淮如圭雲南冕廣

東

保安衛地震聲如雷

十 仁 庚寅裁廣西太平府通判

辛卯中肯印綬監太監趙總堯神機營右哨頭司都知監奉



御陳璋守備石門塞

乙未罷南京禮部尚書孫需需清謹雖校之不一謝

山西右布政使沈林私乘傳削籍仍罰大同粟五百石

夜月犯天陰南一星

丁酉署詹事府事吏部尚書兼翰林學士梁儲進太子少保

改南京吏部尚書刑部左侍郎劉璟為尚書

才寬變聞贈太子少保謚襄愍予祭墓子介賡錦衣衛百戶

寬遷安人成化戊戌進士跌宕不羈任守令好飲亦不廢吏

事及領鎮好戰馭下寡恩故及於難

辛丑應天太平大雨電

壬寅亦孛來入河套駐牧屢寇邊總兵馬昂敗之木瓜山

斬三百五十六級

癸卯蔣賢嗣定西侯李全禮嗣襄城伯蔣驥李廓子

南京大理寺卿林廷選為右都御史總督兩廣兼巡撫廣西

限鎮守總兵分守監槍游擊養蠶田各十頃副總兵守備各

半之母占佃

甲辰南京左僉都御史李堂為工部右侍郎

乙巳起右副都御史林俊巡撫湖廣陝西左布政使安惟學



為右副都御史巡撫寧夏

四川東鄉通江積盜攻掠

丁未前大理寺卿張泰為刑部左侍郎

山東布政司左叅政張鎮檀檄有司供饋宿驛舍削籍

己酉廣東按察使王哲為南京右僉都御史提督操江右僉

都御史陸完為左僉都御史

庚戌追奪大學士劉健謝遷誥及所賜帶服初曰陳熊詰責

科道於是科道言罪籍如健遷尚書馬文升劉大夏韓文許

進等宜追奪誥身從之吏部計健遷下六百七十五人惟成

化年遠者宥之

檢累朝王府條例

辛亥許巡撫湖廣都御史王綸奪情署事改林俊巡撫四川

癸丑中旨印綬太監朱奉鎮守金齒騰衝

乙卯廣西盜派入柳永命巡湖廣都御史王綸備柳永陝西

巡撫都御史黃寶備漢中高洛四川巡撫都御史林俊備夔

州保寧湖廣總兵毛倫備荆襄鄖陽

前御史熊卓卒卓豐城人弘治丙辰進士令平湖拜御史有

聲



丙辰工部左侍郎崔巖兼右副都御史治河

庚午正德五年

正月朔罰巡撫山東右副都御史何鑑粟千石御史徐瀛劉  
紳布政使王沂劉聰叅政陳良器按察使劉宇僉事馬鑿指  
揮王瑾等一百石巡撫右副都御史朱欽王儼等六百石御  
史曹元高崇熙等五百石布政劉璟賈銳等三百石俱輸寧  
夏初脩孔廟墻造額漁費並得罪之

己未前署大理寺事工部尚書楊守隨劾籍回郵人重獄下

大理寺駁讞劉瑾謂守隨所私仍罰粟二百石

壬戌徐淮捕盜御史薛鳳鳴左歸德日酣飲謫徐州瑯騎畿  
內御史甯杲柳尚義為左右僉都御史杲尚義多斬獲驟遷  
鳳鳴尋復官

增湖廣巡按監察御史分湖南湖北

乙丑吏部右侍郎孫交調南京

丁卯南郊還行慶成禮日本使臣與朝鮮同班賜宴

己巳責吏部尚書張綵左都御史洪鍾等勘合失核故禮科



給事中于聰張潤閔楷王鑾河南道御史李賦餘宥之  
庚午傳南京刑部尚書吳洪右都御史張憲大理寺卿胡富  
致仕以南京錦衣衛指揮鄧炳爭產久不報

癸酉琉球官生蔡進等五人入南雍肄業賜衣廩

乙亥南京戶科給事中葉良聰請囑被劾削籍

丁丑戶部左侍郎儲瓘引疾去

翰林院庶吉士蔡祐為吏科給事中

己卯滿刺加國王使臣亞劉本江西萬安人蕭明舉也亡命

至是同端亞智等來朝賂大通事王永序班張宇謀往渤泥

國索寶禮部吏侯永等偽造符印擾驛後同輩忿叛俱逮入

京論罪有旨江西多玩法如彭華李裕尹直徐瓊李攷省黃

景多招物議且御試解額過多宜裁五十人仕者毋除京職

永為令蓋焦芳夙憾華等倚瑾快其私也

庚辰籍故尚書秦紘家紘婦弟楊瑾家於紘蒼頭丁旺怨之

訐其蓄鉄銃等違禁不法遽重坐聞者駭之

辛巳兵部查駁各衛官旗

癸未南京吏部右侍郎朱恩劉纓為南京禮刑部尚書恩附

瑾自按察副使二年五遷至尚書



丙戌太僕寺少卿張禴為右僉都御史巡撫大同大理左寺  
丞楊武為左僉都御史巡撫宣府

覈郡縣庫金

兵科給事中高滂大滄州鹽山海豐等草場劾前都御史張  
縉王沂王璟高銓侍郎崔巖等銓滂父也畏瑾遂并劾

監察御史劉富生劾卷貴州凌忽臺司相構偵枝發之下錦  
衣獄械吏部門削籍

二月亥朔左副都御史李瀚為吏部右侍郎戶部右侍郎喬宇  
為左侍郎太常寺卿陳震為戶部右侍郎太常寺少卿兼翰

林侍讀李遜學為戶部左侍郎提督倉場左僉都御史陸完  
為兵部右侍郎巡撫宣府左僉都御史楊綸為右副都御史  
署院

己丑日本國王源義澄遣宋素卿入貢素卿賂瑾黃金千兩  
賜飛魚服非制也

辛卯東寧伯焦洪為征蠻將軍總兵鎮守兩廣

癸巳進楊廷和吏部尚書兼武英殿大學士太子少保兵部  
尚書曹元為吏部尚書兼文淵閣大學士直閣元與瑾葭葦  
之舊復彘入政府士論耻之



戊戌兵部左侍郎胡汝礪為尚書應天府尹周宏為南京工部右侍郎

國子監祭酒王雲鳳以年少例生還試原學從之

辛丑南京吏部尚書劉恕改吏部尚書兼翰林學士專誥勅

兵科給事中屈銓請刊定正德元年以來見行事例示中外

從之按新例俱劉瑾奏制人方側目銓猶誦奉焉後兩月祭

酒王雲鳳效之且請瑾幸學如魚朝恩例瑾尋敗被劾

王世貞曰虎谷之用似亦張綵之力但直節素著豈一旦

狼狽至此况引魚朝恩例使瑾知之不益其怒耶亦有仇

筆錄以俟考

癸卯署通政司事兵部左侍郎王敬還部順天府尹李浩為

通政使

甲辰罰正一真人張彥頤粟千石禁其家不得鬻符籙以蒼

頭私乘傳鬻符籙採藥物廣東僉事吳廷舉劾之

夜月犯氐宿南星

乙巳夜月犯房宿北二星

丁未山西副總兵都指揮僉事葉橋為征西前將軍署都督

僉事總兵官鎮守大同



戊申前內閣太常寺卿林章卒章錢塘人善書

夜工星犯太微垣上相星

己酉逮廣東布政司 參議吳廷舉下錦衣獄廷舉嘗在道

過家偵校發之鎮守太監潘忠恕廷舉劾其僉事時侵帑不

法遂被考自誣服械吏部門戍山西振武衛

巡按江西監察御史弓元戍南丹衛以歛錢餽勘事少監李

宣錦衣都指揮趙良

庚戌定王府喪禮當遣大臣用都布按正官當遣行人用分

守官

延綏右叅將戴欽為副總兵鎮守山西兼提督代州三關

三 朔辰朔兵部尚書胡汝礪卒汝礪寧夏人成化丁未進士授

戶部主事歷郎中遷大同知府敢任事立威賂劉瑾拜順天

府丞驟進今官未赴任予祭葬亦異數也沒後瑾敗事弗預

其罰

丁巳四川雲陽縣地震聲如雷

戊午考察各道御史田坪楊淳蕭海張元電調各部主事趙

鶴章寬李緯張完降所推官劉經孫建潘銳嚴紘魏彥昭都

侃范嵩方德懋待至日謫



辛酉陝西郃陽地震有聲

壬戌中肯南京司禮太監丘得同太監黃偉等守備

癸亥昏刻火星犯亢宿南一星

甲子大風霾數日

鎮守湖廣左都督毛倫言安陸襄漢沔陽沔陽饑俱先年侍郎

韓福苛徵致之詔不問倫黨瑾故敢訟福之失然未盡也

丙寅兵部左侍郎王敬為尚書

毛玉劉紘葉溥為南京給事中周宣孫樂朱紘陳軾丁楷江

良貴王瑤為試監察御史賀寬鄭行許洪宥為南京試監察

御史

戊辰改刑部署郎中等李嵩朱襄蔣曙劉和劉文莊馮時雍

陸鰲張淮喻時涂文祥于鰲朱嘉會徐文華孫修張承仁陸

崇梁材盛儀張琮高壇張麒詹源劉大謨許諫俱為試監察

御史

庚午 憲廟敬妃王氏薨謚恭懿

辛未詔旱蠲令法司減罪雪獄於是大學士李東陽等請行

寬政從之

水旱免各處逋稅五百五十餘萬



甲戌柳州知府劉璉道值賊見殺不以聞  
勅勞四川陝西江西湖廣鎮巡官擒盜功

丙子巡按湖廣監察御史翟唐奏蜀盜劉烈熾甚僭號設官  
守臣蒙蔽瑾矯旨切責之

己卯翰林修撰何塘予告

壬午廣西太平府地震

乙酉前太子太保禮部尚書周經卒經字伯常陽曲人天順  
庚辰進士選館授檢討歷令官少類敏莊重寡言笑孝友純  
至在館久淹或諷之速化不為動其長子部守正應變判裁

不拘晚起禮部則壻曹元力不能無責備云年七十一贈太  
保謚文端

袁袞曰周公以經國之才秉匪躬之節裁抑寺戚節縮浮  
濫上裕國用下紓民力嘉謀讜議可謂有大臣之風矣彼  
不知節用而亟於求財浚膏血以填豁壑者亦獨何心哉  
南京右僉都御史王哲巡視江西以盜熾南贛界楚粵閩間  
扼之

太子少保刑部尚書兼左都御史洪鍾總制湖廣陝西河南  
四川軍務并賑武昌襄漢



四  
朔戎朔 科給事中郝夔覈榆林功多冒濫懼瑾禍自經改  
科都給事中改易往

丁亥雷州有大星如月流而尾如箕隨沒聲如雷  
庶寅法司畏瑾僅戕死二人

慶府安化王寘鐸反寘鐸貌魁梧相者詔云大貴又妖巫託鷓

鴝神妄諛之大理少卿周東度田縈苛率五十畝為一項人

情大擾巡撫右副都御史安惟學失將吏心儒生孫景文說

寘鐸誅劉瑾為名大事可致也指揮何錦周昂丁廣謀如之

是日置酒召周東安惟學及總兵都督僉事姜漢太監趙弼

李增藍彬少監鄧廣東惟學不至遂殺漢等走殺東惟學及

都指揮楊忠李睿左叅議侯啟忠燬公署釋囚盡收黃河舡

於橫城西絕渡者偽授錦討賊大將軍昂廣左右副將軍景

文軍師檄曰近來以來主幼國危奸宦用事舞弄國法殘害

忠良蔽塞言路致喪天下之心幾忘神器之重今闔城官軍

共誅守臣之虐政害民者持首來獻予不得避獎率三軍以

誅黨惡以順人心副總兵楊英偁出楊顯堡脫於難陝西總

兵曹楊言雄決河灌城聞變從都指揮黃正統三千人戍靈州盡收河舡濟

師安惟學惟學字行之臨汾人成化甲辰進士嘗守平涼  
師年考最進四川右布政  
九



楊一清曰寧夏地沃饒故稱樂土自撫馭非人橫徵暴斂  
軍始不堪逃亡接踵見存者日益困蹙卒逆瑾時極矣干  
戶何錦指揮周昂素梟雄始懷異志錦頗通文事應武舉  
上京見時政日非語昂等曰可舉大事矣屬鎮巡俱更代  
太監李增總兵姜漢雖無大善不甚苛虐撫臣安惟學嚴  
明以藏廩空虛軍政廢弛與總兵申禁令追徵積負也糧  
馬匹大理少卿周東清查屯地又復嚴急遂激亂被害後  
總兵太監俱沾卹典惟學既被廢錄又以言者追奪說者  
謂寘鐫何錦等蓄謀已非一歲惟學蒞任未及兩月况此  
併公務視朕削私用者有間作惡者何人乃代伊受禍哉  
蓋亂臣賊子必假藉事端以為口實故錦等必殺鎮巡奪  
其兵柄而後可逞是時惟學雖寬亦不能免也

壬辰太常寺少卿鄭宗仁為南京太僕寺卿

癸巳四川流盜入陝西湖廣遂增陝西副總兵吳鑑湖廣副  
總兵康泰協剿

甲午寇莊浪總兵衛勇擊之斬百五十八級

乙未司設太監王興鎮守陝西

丙申華州蒲州地震聲如雷



丁酉免河南逋租

庚子致仕左府署右都督神英封涇陽伯賜誥券歲祿八百石初英自陳邊功兵部謂年遠無考不聽

日本使臣宋素卿本鄆人朱縞述日本國王壻之官綱司至是入貢族識之私通問或發之禮部議失遠人心遣還

辛丑太僕寺卿王寅為工部右侍郎治易州山廠

大理寺右評事吉水羅僑言頃者亢旱風霾陛下特降德音蠲連坐貫通卒而齋戒決旬雨澤尚滯臣愚謂天心仁愛未已欲陛下每事懲創擴充善端也夫古者視朝游觀皆

有常度賢妃有鷄鳴之警大臣陳卷阿之咏今陛下臨朝

或至日具宮掖之戲喧囂達旦殆非所以愛群臣大基業也

臣願陛下宵旰圖治無游於觀便殿則閱奏續暇豫則覽

經史古者三公論道工誦箴諫故我朝以輔導責之內閣言

責之付科道通者百姓流移赭衣載道民窮財盡元氣索然

群臣不敢言以有科道也科道不敢言以有宰相也宰相言

之不盡復諉誰哉臣願政事得失生民利病陛下與宰相執

商權於內許科道直言於外古者進退大臣皆有禮貌黜劓

之刑不及大夫邇者公卿方進隨罷先臣忠蓋碩德如劉大



夏猶不免竄戍况其他哉臣願賜放免以示生還古者律以  
繩民例以輔律我朝大明律及見行條例最為精密近日法  
司比附深巧隱中善人臣願勅今後問刑止依正律果情重  
律輕必奏請裁決毋令權監得持其間疏入輿櫬俟命僚友  
莫敢徃瑾欲死之李東陽救解乃矯旨僑庇大夏下廷議竟  
改吉安府教授若盡移風俗方奏用

馮時可曰羅公不孺藻不談學然進為直臣出為循吏學  
與文莫大於是矣古者喪居禮樂崩壞矧談說耶取益於  
友不如取益於心良箴也孔子所謂友直友諒殆其人乎

太史達夫得之如稽山竹箭加以括羽矣

癸卯月犯建星東第二星

甲辰巡撫寧夏都御史馬炳然憂去不許改巡撫陝西罷陝  
西巡撫都御史黃寶徵前都御史楊一清余以貞吏部言陝  
西寧夏俱多事炳然寶各仍任從之  
乙巳蔣冕服闋補右諭德兼侍講  
丙午湖廣按察使王恩宅憂楚王  
仍留任  
鎮守官各言其惠民

寇遠東寺見山臺游擊高欽擊卻之



起楊一清右都御史總制陝西延綏寧夏甘涼軍務即西征  
寘鐠寧夏副總兵都指揮僉事楊英為右府署都督僉事總  
兵鎮守寧夏游擊將軍都指揮僉事仇鉞為副總兵靈州守  
備都指揮僉事史鏞為游擊將軍時傳鉞從賊故用鉞冀間  
之

分守獨石馬營都知監太監張弼改鎮守寧夏都知左少監  
馬良寧夏監槍印綬太監姚遠分守獨石馬營

戶部右侍郎陳震兼左僉都御史暫往寧夏督軍餉

罷延綏總兵署都督僉事馬昂副總兵署都指揮僉事侯勛

為右府署都督僉事總兵鎮守延綏

己酉削寘鐠屬籍命涇陽伯神英為平胡將軍總兵同楊一

清節制京營并陝西寧夏延綏甘涼軍馬討之

兵部右侍郎陸完為左侍郎戶部右侍郎陳震改兵部

賑河間

徵還文田官

辛亥赦天下詔曰朕厲精圖治越五六年念世久承平人多  
玩法振起綱維剗革奸弊有司奉行過當和氣弗臻今春以  
來亢旱風霾星異迭見四川湖廣寇盜縱橫寧夏都指揮何



錦等戕害守臣謀立安化王真鐸為主招誘諸路朕不敢赦  
分釋脅從撫定軍民念供億甚勞逋負相仍方欲省刑薄斂  
任賢使能培養元氣掃除災孽以保我國家億萬年之祚所  
有寬恤事宜條列於後云云於戲用兵者如不得已用刑者  
必求其生方與問罪之師大布同仁之政

勅御用太監張永總督寧夏軍務御馬太監陸閏管領神槍  
選京軍三萬人而西御史冷文祥隨軍紀功稱疾降右府都  
事改御史張琮往游擊將軍仇鉞襲執真鐸寧夏平之真鐸遣何錦丁廣以三

千人分據要害將渡河而鉞先駐別堡真鐸召之入引疾不  
出楊英等屯河上約鉞內應偽將軍周昂留守問計鉞曰舉  
事貴速何不引軍而東昂曰兵出懼曹雄決河灌城則家室  
喪矣鉞謬曰事成則封侯乃憂家室哉昂曰然則各屠妻子  
耳語頗泄昂疑鉞疾亡狀謂其下曰明日當省鉞如不出殺  
之鉞伏舍下人裹甲以待昂來候斬昂號於市曰衆能從我  
乎士民皆聽命徑馳執真鐸逆黨驚潰乃詐傳真鐸令召回  
何錦密諭錦部將鄭卿擊殺胡璽魏鎮等數人呼曰城中事  
定矣趣殺巡河將劉鉞姜永等衆大奔何錦丁廣單騎走賀



蘭山獲之

高岱曰真鑄狂豎子耳其敢於稱亂者有所侮而動也寧  
夏之民怨入骨髓可必其從亂而無疑者然則禍亂之興  
止他氏易與為亂故耳乃寧夏西北重鎮其控戎備倉  
卒所宜戒衣衽於朝夕主數人倡亂而上下錯愕將士皆  
靡然從風此其元戎之號令撫臣之節制可知矣卒之身  
死人手豈為不幸哉仇鉞不動聲色而能立奇功於虎吻  
亦偉丈夫也非謀勇過人能若是乎雖然真鑄腹心爪距  
盡遣之出而獨留一周昂又復不備其輕銳寡謀蓋天奪

其魄矣不然鉞豈能以匹夫而成功哉

談遷曰仇鉞幸脫刀俎之外乃束身陷賊無策之甚豈真  
鑄小豎不足慮耶抑部曲駭潰且與之為進退也決計俄  
頃遂享其成天下事又安可坐料哉

永康侯徐溥卒

年十二

鎮守遼東總兵署都督僉事李璵卒

先金吾右衛指揮使

有大星晝隕於通江

癸丑傳制封讓棚蜀王表樞新化王表楫旌德王表杅交城  
王俊樞進賢王克耀泰順王克熾河內王譽祐善化王厚熙



都昌王勛瀛沁水王

甲寅巡撫陝西右副都御史黃寶罷陝西按察僉事藍章為  
右僉都御史巡撫陝西

五月外朔翰林學士毛紀為戶部右侍郎仍兼日講南京太僕  
寺少卿張鳳為南京右僉都御史提督操江

丙辰湖廣盜劉惟華洪景清等掠桂陽殺守備指揮鄧旻瞿  
翽劉懷百戶朱鏞趙章橋百戶于江擊景清惟華皆殺之江  
亦死

丁巳署鴻臚寺事光祿寺卿楊瑢卒特予祭如流雜何

庚辰右僉都御史徐以貞巡歷保定

兼理屯田

辛巳寧夏地震聲如雷

壬午傳錦衣衛帶俸指揮僉事朱翥南鎮撫司辦事翥苗姓  
以義子賜朱氏

癸未少師兼太子太師吏部尚書華蓋殿大學士焦芳致仕  
芳首附劉瑾薦張綵、秉銓日居間不盡聽遂隙瑾亦薄之  
芳嘗受俘婢土官岑濬妾也甚嬖之與妻詬瑾片其過子黃  
中充詔使瑾不善也遂引去進不以正徒詣容何益哉  
六月酉朔徐州左衛指揮使時用於山東沿海總督備倭



罷沽河之役初濬沽河抵鴉鴻橋。

己丑南京工部尚書俞俊致仕後附瑾屢引疾不允

壬辰大隆善寺禪師星吉班丹為國師左覺義羅竹班卓等  
為禪師刺麻札竹為左覺義三竹捨刺為右覺義倫竹堅叅  
為都綱大慈恩寺佛子亂奴領占捨刺札俱為法王刺麻捨  
列星吉佛子也失短竹為禪師大能仁寺刺麻領占播為都  
綱上諳梵教星吉等皆得幸

前少師兼太子太師吏部尚書馬文升卒文升字負圖鉞州  
人景泰辛未進士授御史風裁肅然擢福建按察使南京大  
理寺卿改撫陝西平蕩四之亂屢遷進兵部右侍郎整飭  
遼東撫叛夷汪直戍重慶尋起家歷今官立朝五十餘年文  
武兼資臨事屹然不可奪年八十五贈太傅謚端肅

袁袞曰敬皇帝之末也厲精綜核寤寐俊髦鉞陽馬  
公實秉衡鑑六曹之長皆民譽也下至百司濟、可觀是  
以士敦齒讓俗返淳朴衆賢和於朝萬民和於野雖成康  
文景之際莫以加矣

凌迪知曰文升性介特寡言笑不尚華侈舉止嚴重修髯  
偉貌望之知為異人居官重名節厲廉隅雖位極人臣名



聞四夷退然不敢自居至於值事變臨利害屹然如山不可搖奪可謂社稷臣矣

何喬遠曰馬文升蓋有西征石城撫安東夷興復哈密三記云孔子作春秋書齊人歸田不自功也予攷國史石城之征以歸項忠亡一語及文升何哉興復哈密許進撰平番始末自叙勞苦而文升乃言守臣貪功坐令其酋長得遁去聞內閣外予不知孰是君子不自功君子亦自功乎其知無不言能無不為至今稱名臣無間然矣

昏刻土星犯太微東垣上相星

甲辰厚焜嗣都梁王初都梁王厚焜進荆王庶弟厚焜例進山西提學副使陳鳳梧言巡按御史擅考士儒命戒之

丙午少傅兼太子太傅吏部尚書文淵閣大學士劉宇展墓還仍致仕

辛亥南京大理寺卿戈瑄為南京刑部右侍郎太僕寺卿郭紳為南京大理寺卿巡撫遼東右僉都御史王彥奇改南京進太僕寺少卿王憲為右副都御史巡撫遼東

增延綏寧夏巡按監察御史兼理鹽課

惠潮盜平



七月未前南京工部尚書俞俊卒 麗水人成化壬辰進士

庚申進魏國公徐備成國公朱輔太子太傅

壬戌楚王均鈿薨年六十一謚曰靖

癸亥前南京工部尚書韓重卒重絳人成化戊戌進士授禮

科給事中陰險狠戾尚書時尤營利士論鄙之

甲子召兵部右侍郎兼右僉都御史陳震

丁卯兵部申明襲替事例

昏刻火星犯房宿

戊辰宋景張景賜曹雷徐讚為監察御史景睢州知州

辛巳浙江布政司左叅政何顯先守湖州歲賦倍歛三萬餘

金御史胡文璧寬之遂削顯籍編管遠東自在州文璧奪俸

三月

八月甲申朔前應天府尹冀綺卒

丙戌沙古卜洛封占城國王遣禮科給事中于聰行人劉定

初左給事中李貫當行中旨改聰亡何瑾敗仍貫往值盜徐

州斃其首求俟髮長恣亦卒凡七年未行竟令占城領封

壬辰南京糧儲右副都御史夏昂為工部左侍郎

癸巳偵校言湖廣左布政使涂旦鄖陽知府曹蕪貪狀俱削



籍

蠲寧夏今年田租

許巡撫湖廣右副都御史王綸終制

甲午太監張永還自寧夏 上戎服御東安門寘鐸及親屬

頃繫諸王館餘獻俘是夕 上宴永等劉瑾先退永間出寘

鐸偽檄更列瑾十七罪有反狀 上猶豫曰瑾負我永曰遲

則奴輩糞粉矣 陛下將何歸焉永成等皆詆瑾遂密發兵

捕瑾 上自隨之夜且半瑾聞喧聲披青蟒衣出縛下菜廠

分校封其内外私第初瑾永有隙永還期望日獻俘瑾欲緩

永遂先期入瑾愕然永計出楊一清秘甚質明下內閣降瑾

奉御安置鳳陽貸文武諸臣盡革新例議其罪時事粹從中

發邏卒飛騎交馳於道衣冠失度閭巷喧囂如沸浹日乃定

先劉景祥死都人私謂乘朝臣送葬為變中夜每聞甲馬聲

先敗幸永發之早也

乙未夜火星犯天江

丁酉下瑾錦衣獄 上親籍瑾家黃金二十四萬鏹又五萬

七千一百緡銀五百萬鏹又百五十一萬三千八百緡寶石

二斗金甲二金鉤三千金銀湯鼎五百衣服四蟒服四百七



十襲牙牌二櫃金龍甲三十玉印一玉琴一獅蠻帶一玉帶  
四千一百六十又得金五萬九千緡銀十萬九千五百緡團  
扇飾器及中置刀二甲千餘弓弩五百他物稱是上見刀  
甲弓弩怒曰瑾果反即下獄科道數其罪會訊午門刑部尚  
書劉璟纒折之瑾笑曰若輩皆德我何得言諸大臣噤不能  
語駙馬都尉蔡震厲聲曰震國戚何賴於汝叱榜之微震幾  
不能成獄

朱國禎曰劉瑾非張永不能除永非文襄之言必不聽然  
豈未信而敢輕發哉觀其調停給銀一節何等委曲而平

日行事與面論皆有以深服其心故乘間一言便能激發  
以收大功文成杭州之會當亦如之不然以岳季方之清

正一施於曹吉祥即敗事况庸者又安能希冀萬一文

襄定寧夏文成定江西功非不偉而妙在用張永其作用  
機權生平學問得力處可以想見斷乎國朝第一流也

戊戌大學士李東陽引咎乞休不許

吏部尚書張綵錦衣衛都指揮使楊玉鎮撫司指揮使石文  
義下都察院獄

太監張永言慶王台浣臣事實鑄勅責之奪護衛并祿三之



二

己亥大學士楊廷和待罪留之

大學士曹元免元無他才好飲詭每自瑾所出意氣得甚至

是每夜竊焚器服踰禁者

戶部尚書劉璣兵部右侍郎陳震並免

曉刻金星犯軒轅木星

辛丑治理黨大學士曹元都御史魏訥楊武劉聰侍郎陳震

都給事中李憲脩撰康海大理少卿董恬順慶知府莊禕御

史薛鳳鳴部司務孫聰參政楊儀河南僉事白思誠徽州

知府柯英河南參議王欽太常寺少卿劉介杭州知府楊孟

瑛侍讀焦黃中編修劉仁並削籍都御史徐以貞謫鳳陽同

知御史朱宸新昌縣丞吏部郎中王九思壽州同知王納誨

易州同知右僉都御史蕭選宮諱郟縣知縣傅奉檢討胡纘

宗嘉定州判官編修黃芳寧國府推官主事李志學真定通

判韓守愚濟南通判

壬寅吏科都給事中李憲劾瑾不法瑾聞之笑曰憲亦劾我

耶

漕運總兵伏羌伯毛銳免



癸卯曉刻月犯天街上星

前太子少保吏部尚書許進卒進字季升靈寶人成化丙戌  
進士授御史歷撫大同忤太監石叡謫守兗州尋遷陝西按  
察使歷左僉都御史出嘉峪關復哈密轉撫陝西歷前官忤  
瑾去素悻直敢犯權貴亦多權術人不能測

袁宏曰端士不以俗易行貞臣不以勢奪守觀許公之始  
忤關直終抗逆瑾幽而不懾廷撻而不挫其剛心勁氣  
死生得失惡能動之哉

談遷曰實錄云進吏部時進退百官多徇瑾意焦芳劉宇

與進同鄉不相能陰中之得罪去將行賂瑾覲免後禍何

喬遠三進先總督大同嘗藉軍出僱役錢曰尖丁御史王

汝言巡按大同瑾遣給事中往勘劾而密致汝言書給事

中曰劾則殺許公不劾則殺吾二人吾自經也汝言曰寧

殺吾二人乃自草奏白其事瑾大怒令改劾給事曰吾死

矣汝言仍奏瑾曰二人不思還京耶時中旨迫切內外輿

匿進曰吾自死耳遂仰藥卒其家諱之在國史進似失之

狗在野史不惟靈寶哉恨即王汝言輩並有生氣或傳聞

異詞也



甲辰湖廣右布政使陳鎬應天府尹丁鳳並為右副都御史  
鎬巡撫湖廣鳳理南京糧儲大理寺少卿顏頤壽為右僉都  
御史

南京工部尚書李善左副都御史屈直南京太僕寺卿王彥  
奇被劾致仕御史秦昂趙松 寺丞紀世梁閑住 左

布政潘楷

按察使張禎御史宇文鍾削籍

府丞石

祿謫陵州知州檢討段昊謫徐州判官

按察使仲本降

兩浙鹽司同知

罷江南新僉民兵初增江南巡捕御史

九

乙卯外旱灾量免山東田租

太平寧國安慶大水溺二萬三千餘人蠲田租賑之

何錦周昂等伏誅

豐城侯李旻總兵鎮守貴州

寧夏副總兵都指揮僉事仇鉞為征西將軍署都督僉事總  
兵鎮守寧夏

駙馬都尉黃鏞卒鏞初休寧人尚嘉祥長公主

丙辰錄寧夏功加太監張永陸闔歲祿進楊一清太子少保  
封仇鉞咸寧伯餘陞賞有差



定坐監生歲率三千人時監生三千三百人乏廩議減歷放  
回歲貢生監生謹訴

丁巳祭故都指揮僉事楊忠李睿百戶張欽子襲陞二級欽  
子一級

戊午太子少保南京吏部尚書梁儲改吏部尚書署詹事府  
事吏部尚書兼翰林學士劉忠俱兼文淵閣大學士直閣

己未封太監張永兄富泰安伯弟容安定伯給誥券祿千石  
兵部尚書王陔等媚永歸其功

右通政叢蘭為通政使

國子司業王瓚為南京國子祭酒

己巳順天府尹王鼎為右副都御史

復平江伯陳熊爵

傳錦衣衛指揮使朱寧南鎮撫司同覃泰等視事

壬申李鑑仍工部尚書張永西還道湯陰鑑敝衣冠束玉趾  
迎乞憐日起冢

工部尚書畢亨應天府尹陳良器工部左右侍郎張志淳崔  
巖御史崔哲皆劾免右僉都御史張禴通政叅議張龍尚寶  
司丞屈銓大理寺丞蔡中孚科都給事中段勇皆謫外瑾



餘黨

癸酉太常寺卿羅玘為南京吏部右侍郎魯鐸服闋補國子司業

議復謫籍五十三人皆復官錄用尚書李傑孫需侍郎陳鼎  
鄧璋胡富陶琰馬中錫都御史張憲賈鍔李貢邵賢胡瑞羅  
鑒通政叅議任良弼府丞趙璜司業羅欽順編修何塘給事  
中楊琥劉澤徐悅安奎潘希曾陳伯獻御史吳漳王潤曾大  
有劉子厲楊南金王時中郎中劉思賢員外郎韓俊葉釗主  
事唐胄傅浚謝廷瑞趙瑩評事羅僑中書舍人何景明布政  
姜洪沈林按察使金獻民邢義叅政楊守隅楊茂元吳彥華  
副使劉遜陳恪李全吳廷舉僉事方良永盧翊知府劉麟張  
津

錄寧夏功進李東陽特進左柱國楊廷和少傅兼太子太  
謹身殿大學士劉忠少傅兼太子太傅梁儲少保兼太子太  
保武英殿大學士進兵部尚書王厥太子少保詹錦衣百戶  
禮部尚書兼學士白鉞吏部尚書劉機禮部尚書田景賢刑  
部尚書劉璟俱太子少保餘賜金幣  
益司禮太監溫祥賴義谷清秦文范宣張欽歲祿錦衣冠帶



舍人溫欽谷雄秦安為副千戶賴友張銘為指揮僉事俱世襲

封義子錦衣指揮同知朱德永壽伯太監谷大用兄大寬高平伯馬永成兄山平涼伯魏彬弟英鎮安伯皆給誥券德不知所出太監裴氏廝養賜國姓善造西域食餌英非彬弟冒魏氏大用等授寧夏功

談遷曰左貂之橫始自王振其子弟僅錦衣而止汪直劉瑾至都督極矣張永何功輒膺茅土各闖效其尤幾於爛羊其後魏忠賢遂開上公爵賞之濫日甚一日所謂作法

於涼也

丙子巡撫湖廣兼替理軍務右副都御史王綸卒慈谿人成化甲辰進士

四川盜藍廷瑞鄒本恕等作亂廷瑞欲據保寧鄒本恕欲據漢中下荆襄巡撫林俊議戍通江果盜陷僉事錢朝鳳等遁會官兵自他縣回盜疑援至亦遁合兵擊之斬八百餘人擒廖惠餘走陝西之西鄉

乙卯刑部右侍郎陶琰南京工部左侍郎馬中錫並為右副都御史琰總督漕運兼巡撫鳳陽中錫巡撫大同



前右副都御史顧源仍巡撫雲南邵寶巡撫貴州

錦衣衛都指揮使馬釗為都督同知都指揮同知張寰為都督僉事永成姪寰永弟

庚辰復任良弼通政司右叅議

辛巳復姜洪山東左布政使金獻民貴州按察使吳彥華楊

茂元楊守隅浙江江西陝西左叅政劉遜李全吳廷舉俱雲

南按察副使

誅錦衣千戶張文冕文冕本華亭黜生入瑾幕矯旨多出其手至是妻妾入浣衣局欽天監五官挈壺正皇甫政削籍

何喬遠曰高皇帝懲自古宦官專政之弊闕寺令守門

闔給洒掃而已不得預朝政終高皇帝世有雲奇先忠

欲救卒然之厄吐詞未終斃於蹕前可以見當時宦者不

得開其喙矣成祖既取大位恐中外人心不盡附已遣

使鎮守遂為故事然不敢有所扞觸至於仁宣之世

英宗冲幼王振竊權賴張太后時裁抑之然當其時群

臣有過動以上旨論之死刑朝為列卿又有小犯微纏

纒、囚首跣履若牽引奴隸然百官絨結不敢出一詞有

一劉球上章及之七首笮刑夜碎其膚矣縉紳罹禍至於



此極土木之變身家不免未足償也 憲宗之朝則有汪直 武宗之朝則有劉瑾肆行暴作禍毒已甚其他大要傳奉官爵嚼嚙賦稅其於蠹耗官民糜費已甚令臣子不得執法則已亦不敢有所壞亂然阿丑為戲 孝陵出守張永一言付獄法市若嗜蟻虱然可以見 祖宗之法行而 列聖之斷武也

壬午禮部左侍郎費宏為尚書前南京禮部尚書張憲為南京工部尚書陳昂為戶部左侍郎提督倉塲胡富為南京戶部右侍郎前右副都御史羅鑒巡撫蘓松常鎮總理糧儲李貢整飭薊州邊備兼巡撫順天應天府丞陳玉為右僉都御史巡撫保定兼提督紫荆等關

癸未復革荆府護衛之半

十一 丙戌兵部改正十八事

丁亥南京右通政王雲鳳致仕

己丑戶部右侍郎毛紀為禮部左侍郎鴻臚寺卿俞琳為禮部右侍郎署寺事

誅劉二漢及親屬劉傑等二漢年十歲

築大名長堤至沛縣飛雲橋凡三百十里



邵陽潼關地震

庚寅給番僧度牒三萬漢僧道士各五千

辛卯江西柘源洞盜汪澄王浩等三千餘人就撫復叛掠樂平餘干陷安仁

復減九門稅鈔

乙未復劉大夏太子太保兵部尚書楊守隨工部尚書林瀚

南京兵部尚書韓文戶部尚書許進太子少保吏部尚書艾

璞右副都御史各仍致仕

丙申曉刻金星犯亢宿

庚戌起戶部左侍郎儲瑾筦右侍郎事右副都御史黃賢巡

撫山東鄧祥巡撫河南周南巡撫宣府胡瑞提督鴈門等關

兼巡撫山西刑部右侍郎李士實為右都御史巡撫鄆陽

復羅欽順仍南京國子司業

辛亥水災減嘉興湖州寧波夏稅

壬子處州同知張芮為南京尚寶司卿

太子少保禮部尚書兼翰林學士白鈺卒鈺南宮人成化甲

辰進士授編脩博覽強記禮部時值逆瑾頗不失正贈太子

太保謚文裕



十月癸丑朔贊皇知縣王鑿頌張永功西過真定即時雨比於  
臯夔伊傳 工復永再賜璽書

丙辰吏部右侍郎靳貴兼翰林學士筦誥勅

起前國子祭酒章懋南京太常寺卿倫文叙服闋補翰林脩  
撰

己未水災免蘓常松江田租有差

庚申鞏昌地震有聲

壬戌前南京戶部尚書熊翀卒 光州人成化己丑進士令武

進拜御史頗有風采後未逮也

丙寅月犯司怪星

戊辰翰林學士傅珪為吏部右侍郎仍日講

巡撫保定右僉都御史陳臺還院

宥曹雄死永成海南雄附瑾增置鎮西將軍印才寬之難擁

兵不援更進左都督瑾敗降指揮僉事下臺獄子謙博洽揣

兵事奇中嘗從楊一清學一清家居遺書曰先生世所不可

無者而又世所忌也此何時哉彼勸先生出者非愛先生者

也娶瑾從女拷死於獄一清惜之曰謙料人則明也處人則

忠也其所自料自處何哉 同知為總兵廉勇有威兵尅期輒

雄西安左衛指揮弘治末以都督



赴素以才進值逆瑾構  
坐雖媿明哲人頗冤之

昏刻木星犯牛宿

庚午夜月犯酒旂星

辛未前南京戶部尚書高銓卒銓江都人成化己丑進士授  
評事歷任不染於議惟巡撫保定同太監李廣作興濟祠為  
時所惜贈太子少保

南京監察御史張芹劾李東陽受先帝之託使瑾得荼毒  
天下就使能誅瑾僅可贖罪今據他人之力為己功冒賞何  
善為身謀如此也上不問奪芹俸三月

談遷曰瑾橫時茶陵雖隨事解救僅毫剜絲補於大端潰  
決而莫之挽也其自辨曰凡票本擬旨撰寫勅書或駁下  
再三或徑自改竄或帶回私宅假手它人或近出騰黃逼  
令落底真偽溷淆無從辨白臣雖委曲匡持期於少濟而  
日循隱忍所損亦多此在他人代為茶陵解則可如出於  
茶陵豈大臣體國之義耶門人羅圮上書切規良有以也  
南京光祿寺卿馮鎬為右副都御史巡撫保定  
癸酉前南京戶部尚書吳文度卒江寧人成化壬辰進士令  
龍泉拜南御史出守汀州人甚思之歷官三十七年屋僅數



椽

都督同知高得林為後府右都督

丙子兵部右侍郎李浩右僉都御史陳玉清理軍職貼黃

丁丑水災免四川彭水武隆田租

裁雲南永昌府仍軍民指揮使司

壬午前禮部右侍郎謝鐸卒鐸字鳴治浙江太平人天順甲

申進士館選授編脩歷侍讀南祭酒遷今官孤介恬直潛心

理學蒐刊方孝孺集年七十六贈尚書謚文肅

何喬遠曰鐸不就國子之命孝宗促起之可稱明主一

時知遇之際也

十月乙酉霜災免大同田租

丙戌松潘副總兵都指揮同知昌佐為署都督僉事總兵鎮

守四川

己丑蜀盜掠南川綦江殺照磨添堅等

庚寅申郡王襲封舊例限嫡庶否則止本職奉祀諸弟姪不

得混請

癸巳報盜入徐州呂梁洪掠主事伍全署金

甲午上太皇太后尊號曰慈聖康壽皇太后尊號曰慈



壽

丙申昏月犯斗宿

丁酉浙西灾湖州尤甚悉免之仍賑貸

戊戌開封大風晝晦

丙午夜月犯罰星

戊申太子少保吏刑部尚書劉機劉璟致仕

己酉太監喬忠吳經織造南京許帶長蘆鹽二萬二千引戶

部尚書楊一清爭之仍支萬二千引給兩淮鹽價二萬金

庚戌傳陞錦衣衛指揮使朱寧堂上蒞事都指揮僉事馬鈺

指揮使朱安朱福俱筦南鎮撫司百戶姚文朱達為正千戶

總旗朱麟張鐸俱副千戶高文友王琦朱秀舍人谷倉俱百

戶舍人朱相朱招朱賢趙銘王永俱所鎮撫

辛亥傳陞御用監各匠姜淮錦衣正千戶王鶚相雄所鎮撫

方景百戶又文思院副使三十四人皮作局副使六十五人

各給牙牌

是月前陝西布政司右叅議賀欽卒欽字克恭廣寧後衛人

少敏穎好學潛心聖賢經書推所得以淑諸人正德初劉瑾

括田義州民亂顧相戒毋入欽里欽諭定之孝友忠信化其



鄉人所居醫巫閭山西時遊釣凌谿之游其卒也鄉人為釣  
臺祀之稱醫閭先生天啟初追謚恭靖  
崔銑曰賀醫閭篤行淵雅確乎不移亦管幼安之流亞與  
教人惟主小學達序矣陳白沙其無所見勸讀佛書豈名  
教之外猶有別傳乎



